



9 თებერვალი, ოთხშაბათი, 2011 წ. №2 (2113)

ივანე ჯავახიშვილის სახელობის თბილისის სახელმწიფო უნივერსიტეტის გაზეთი გამოდის 1927 წლიდან

რად უღირდათ უნივერსიტეტი პატრიოტ მეცნიერებს

მაია ტორაძე

ქართველი ხალხისთვის უნივერსიტეტის დაარსება რიგითი უმაღლესი სასწავლებლის შექმნას არ ნიშნავდა. ეს იყო ეროვნული თვითმყოფადობის შენარჩუნებისთვის აუცილებელი ნაბიჯი, რომლისთვისაც ჯერ კიდევ ილია ჭავჭავაძე იბრძოდა, რადგანაც იცოდა — ქვეყანასა და ერს სწორედ ქართული უნივერსიტეტი დაუმკვიდრებდა ადგილს მსოფლიო ცივილიზებულ საზოგადოებაში.

ივანე ჯავახიშვილის თაოსნობითა და ქართველ ინტელექტუალებთან ერთად მცირე ჯგუფის ძალისხმევით 1918 წლის 8 თებერვალს საქართველოს ისტორიაში უმნიშვნელოვანესი მოვლენა მოხდა — დაარსდა ქართული უნივერსიტეტი — ამიერკავკასიის რეგიონში პირველი უმაღლესი საგანმანათლებლო სასწავლებელი, რომელმაც ქართული სახელმწიფოებრიობის ჩამოყალიბებასთან ერთად დაიწყო მეცნიერებისა და განათლების აღორძინება, რამაც, თავის მხრივ, საქართველოს თავისუფლებისა და დამოუკიდებლობის იდეას ჩაუყარა საფუძველი.

უნივერსიტეტის დაარსების დღეს ყოველთვის აღნიშნავს საუნივერსიტეტო საზოგადოება, რომელიც მუდამ ხაზს უსვამს უნივერსიტეტში ნახალისებულ ისტორიული ტრადიციებისა და თანამედროვეობის სინთეზის პროცესს. წლებგანდელი იუბილე, დაარსების 93-ე წლისთავი, სწორედ იმით იყო აღსანიშნავი, რომ საინტერესო საარქივო მასალების გამოფენით ფარდა აეხადა უნივერსიტეტის რეპრეზენტულ-პროფესორთა შესახებ იმ სიმართლეს, რაზეც აქამდე მხოლოდ გადმოცემით საუბრობდნენ. თანამედროვე საზოგადოება

წარსულის ამ ლაქას, ალბათ, იმ თვალთ შეხედავს, რომლითაც, წესით, კარგად უნდა შეამჩნიოს — რად უღირდათ უნივერსიტეტი პატრიოტ მეცნიერებს. ამ პათოსის შენარჩუნება არც დღეს იქნება ურიგო იმ საზოგადოებისთვის, რომლის წარმომადგენლებიც უნივერსიტეტის წიაღში ან ასწავლიან, ან სწავლობენ. სასურველია, თუკი სწორედ ამ კუთხით იმუშავენ ადამიანთა ცნობიერებაზე იმ ლონისძიებების გამართვა, რაც 2011 წლის 8 თებერვალს თსუ-ის მეორე კორპუსის ფოიეში მოეწყო.

➔ **მე-5 გვერდი**



თსუ-ის დელეგაციის სამუშაო ვიზიტი ევროპაში

➔ **მე-2 გვერდი**

თანამშრომლობის მემორანდუმი ევროპასთან ინტეგრაციის კომიტეტთან

➔ **მე-2 გვერდი**

თსუ-ის სავატიო დოქტორის ნოდუა პალიატიური მზრუნველობისთვის

➔ **მე-2 გვერდი**

ორგანული სინთეზი ქიმიასთან

➔ **მე-4 გვერდი**

„ისტორიის“ თანამედროვე გააზრება

➔ **მე-4 გვერდი**

მერაბ კოკონაშვილის გზა

➔ **მე-6 გვერდი**

ჩვენ გადავლახავთ „ზღვარს“...

➔ **მე-7 გვერდი**

ლექციები ნაგოვანის სკოლის მოსწავლეთათვის

➔ **მე-7 გვერდი**

იურიდიული ფაკულტეტი 90 წლისაა

თსუ-ის იურიდიულმა ფაკულტეტმა დაარსებიდან 90 წლის იუბილე, კვირეულის ფარგლებში, არაერთი მნიშვნელოვანი ღონისძიებით აღნიშნა და საკუთარი პოტენციალის ყოველმხრივ წარმოჩენით კიდევ ერთხელ დაადასტურა, თუ რა ფასი აქვს მის „წონას“ უნივერსიტეტის წიაღში და მის ფარგლებს გარეთაც საერთაშორისო მასშტაბით. ამაზე მეტყველებს რექტორის ალექსანდრე კვიციანიშვილის საზღვარგარეთი ვიზიტებისას მოსმენილი შთაბეჭდილებები თსუ-ის იურიდიულ ფაკულტეტთან დაკავშირებით: „ევროპაში თსუ-ის პარტნიორ უნივერსიტეტებში სტუმრობისას ყველა ხაზგასმით გვეუბნებოდა, რომ ჩვენგან წასული სტუდენტები, რომლებიც მათთან იურიდიულ ფაკულტეტზე სწავლას აგრძელებენ, განსაკუთრებით წარჩინებულნი არიან. საამაყო და სასიამოვნო გახლდათ ამის მოსმენა. ჩვენი სტუდენტების წარმატება საზღვარგარეთ იმაზე მეტყველებს, რომ თსუ-ის იურიდიულ ფაკულტეტზე სწავლების მაღალი სტანდარტებია და ეს უკვე წლების განმავლობაში გრძელდება“ — განაცხადა თსუ-ის რექტორმა ალექსანდრე კვიციანიშვილმა. ასე რომ, იურიდიული ფაკულტეტი მისი პროფესორის ინტელექტუალური პოტენციალისა და სწავლების მაღალი ხარისხის შესახებ გავრცელებულ ხმებს ნამდვილად ამართლებს და ამაში დიდი წვლილი მიუძღვით თსუ-ის იურიდიული ფაკულტეტის ყოფილ დეკანს დავით კერესელიძეს, რომლის საქმიანობის დროსაც ფაკულტეტზე მნიშვნელოვანი სიახლეები განხორციელდა და ამჟამინდელ დეკანს ირაკლი ბურდულას, რომელიც წარმატებით ართმევს თავს — ფაკულტეტს ლიდერობა შეუწარმუნოს. ამ აზრს ამყარებს ფაკულტეტის დაარსებიდან 90 წლისთავისადმი მიძღვნილი ღონისძიებები.

ლადო ჭანტურიას ნიშნის პრეზენტაცია

საქართველოს უზენაესი სასამართლოს ყოფილი თავმჯდომარის (2000-2004 წწ.), თსუ-ის იურიდიული ფაკულტეტის პროფესორის ლადო ჭანტურიას ნიშნი „კავკასიისა და ცენტრალური აზიის კერძო სამართალი“ გერმანულ ენაზე დაწერილი. ლადო ჭანტურიას ნაშრომი შეიცავს ინფორმაციას პოსტსაბჭოთა ქვეყნებში კერძო სამართლის წარმოშობისა და განვითარების შე-

სახებ. ავტორი აანალიზებს, თუ რა მდგომარეობაა ყოფილი საბჭოთა კავშირის ქვეყნებში კერძო სამართლის მიმართულებით და, ამ მხრივ, რა შედეგს მიაღწიეს მათ ბოლო 20 წლის განმავლობაში. ნიშნის შესახებ გერმანიაში უკვე არაერთი რეცენზია დაიბეჭდა. გერმანელმა იურიტებმა პროფესორ ლადო ჭანტურიას ნაშრომს დადებითი შეფასება მისცეს.

ლადო ჭანტურია სამი წლის განმავლობაში ხელმძღვანელობდა პროექტს ბრემენის უნივერსიტეტში, რომლის მიზანიც ცენტრალური

აზიისა და კავკასიის სახელმწიფოების კერძო სამართლის შესწავლა გახლდათ და რომლის ფარგლებშიც ეს ნიშნი გამოიცა. ეს პირველი შემთხვევაა, როდესაც ამ ტიპის ნაშრომი გერმანულ ენაზე შესრულდა. წერის პროცესში პროფესორი ლადო ჭანტურია, დამხმარე ჯგუფთან ერთად, პოსტსაბჭოთა 8 სახელმწიფოს წამყვან უნივერსიტეტებთან თანამშრომლობდა. როგორც ავტორმა პრეზენტაციაზე განაცხადა, ნიშნზე მუშაობა საკმაოდ ხანგრძლივი და შრომატევადი პროცესი გახლდათ. მიუხედავად იმისა, რომ

ამ ქვეყნებში დამოუკიდებლობა ერთსა და იმავე დროს მოიპოვეს, კერძო სამართლის განვითარება მაინც სხვადასხვა მიმართულებითა და ტემპით დაინყეს. შესაბამისად, პოსტსაბჭოთა ქვეყნებში, ამჟამად, კერძო სამართლის მიმართულებით, ერთმანეთისგან მკვეთრად განსხვავებული ვითარებაა.

„ნიშნისმიერი მართლწესრიგის, სამართლის სისტემის ფუნქციონირება დამოკიდებულია კარგად განათლებულ იურისტებზე,

➔ **მე-3 გვერდი**



ტსუ-ის დელეგაციის სამუშაო ვიზიტი ევროპაში

17-26 იანვარს ივანე ჯავახიშვილის სახელობის თბილისის სახელმწიფო უნივერსიტეტის დელეგაცია რექტორის ალექსანდრე კვიციანიძის ხელმძღვანელობით სამუშაო ვიზიტით ეწვია პარტნიორ უნივერსიტეტებს და ორგანიზაციებს ევროპაში (გერმანია, ნიდერლანდების სამეფო, უნგრეთი). ვიზიტის მიზანი საერთაშორისო ურთიერთობის გაღრმავება და სამომავლო ერთობლივი პროექტების დაგეგმვა იყო.

„ვიზიტმა ნაყოფიერად ჩაიარა, გავმართეთ შეხვედრები სხვადასხვა უმაღლესი სასწავლებლების წარმომადგენლებთან, დაიგეგმა მრავალი საინტერესო ერთობლივი პროექტი. ახლა ჩვენი მიზანია ენის სწავლების გაძლიერება, რათა სტუდენტებს ჰქონდეთ საშუალება გამოიყენონ ყველა ეს საერთაშორისო კონტაქტი და აქტიურად ჩაერთონ შემუშავებულ პროექტებში“, – აღნიშნა ვიზიტის შეფასებისას ალექსანდრე კვიციანიძე.

გერმანიაში ვიზიტისას დელეგაციის წევრებმა შეხვედრები გამართეს მიუნხენის ტექნიკურ უნივერსიტეტში, ლუდვიგ მაქსიმილიანის სახელობის მიუნხენის

უნივერსიტეტსა და შპაიერის ადმინისტრაციულ მეცნიერებათა უნივერსიტეტში. შედგა შეხვედრა კომპანია HEISS Gmb-ის წარმომადგენლებთან, რომლებიც აკადემიური პროცესების მართვის ელექტრონული სისტემის (N.O.A.H.) ტსუ-ს საჭიროებებისათვის ადაპტაციის პროექტზე მუშაობენ.

დელეგაციის წევრებმა გერმანიიდან უნგრეთში გადაინაცვლეს და „ლია საზოგადოების“ ინსტიტუტის უმაღლესი განათლების მხარდაჭერის პროგრამის ხელმძღვანელებთან შეხვედრა გამართეს. 21 იანვარს თბილისის სახელმწიფო უნივერსიტეტსა და ცენტრალური ევროპის უნივერსიტეტს შორის თანამშრომლობის მემორანდუმზე გაფორმდა. მემორანდუმს ტსუ-ის რექტორმა ალექსანდრე კვიციანიძემ და ცენტრალური ევროპის უნივერსიტეტის ვიცე რექტორმა ლივიუ მატეიმ მოაწერეს ხელი. თანამშრომლობა გულისხმობს ერთობლივი კვლევითი პროექტების და სამეცნიერო მუშაობის განხორციელებას, სტუდენტებისა და პროფესორების გაცვლას. დაარსების დღიდან (1991 წ.) ცენტრალური ევროპის უნივერსიტეტი აქტიურად თანამშრომლობს თბილისის სახელმწიფო უნივერსიტეტთან, უმაღლეს სასწავლებელს ყოველწლიურად გაცვლით პროგრამებით 40-მდე ქართველი სტუდენტი სტუმრობს. კურსკულუმების რესურს ცენტრში ქართველ პროფესორებს შესაძლებლობა აქვთ დახვეწონ და შეიმუშაონ თავიანთი სამუშაო კურსკულუმები, გარდა ამისა უნივერსიტეტის წარმომადგენლები მონაწილეობენ სპეციალურ პროგრამათა ოფისის



მიერ დაგეგმილ ტრენინგებსა და ვორკშოპებში. ვიზიტის ფარგლებში ტსუ-ის დელეგაცია ნიდერლანდების სამეფოსაც სტუმრობდა. ჰოლანდიის გამოყენებითი მეცნიერებების უნივერსიტეტსა და ლიედენის უნივერსიტეტში სასწავლებლების წარმომადგენლებმა განიხილეს თანამშრომლობის პრიორიტეტული სფეროები. „ლიედენი გახლავთ დიდი ტრადიციების მქონე 435 წლის უნივერ-

სიტეტი. შეხვედრისას უნივერსიტეტის წარმომადგენლებმა ჩვენთან მჭიდრო თანამშრომლობის სურვილი გამოთქვეს. ისინი დაინტერესებული არიან გაცვლითი პროგრამებით ქართველოლოგიასა და არქეოლოგიაში, ამ სფეროს წარმომადგენლებისთვის ეს ძალიან საინტერესო შემოთავაზებაა. იგეგმება დელეგაციის ჩამოსვლა და მისის ბოლოს უკვე კონკრეტული სამომავლო გეგმების შემუშავებას დავიწყებთ“, – განაცხადა ტსუ-ის რექტორმა ალექსანდრე კვიციანიძემ.

ვიზიტის დასასრულს დელეგაციის წევრები მასატრისტის უნივერსიტეტშიც იმყოფებოდნენ. 2009 წელს ორ უნივერსიტეტს შორის დადებული ხელშეკრულების განხორციელებისა და ერთობლივი საბაკალავრო პროგრამის ამოქმედებისათვის სამომავლო ნაბიჯები დაიგეგმა. თბილისის სახელმწიფო უნივერსიტეტი მასატრისტის უნივერსიტეტის დელეგაციას აპრილის ბოლოს უმასპინძლებს.

საზოგადოებასთან ურთიერთობის დეპარტამენტი

მოკლედ

თანამშრომლობის მემორანდუმი ევროპასთან ინტეგრაციის კომიტეტთან

1 თებერვალს ივანე ჯავახიშვილის სახელობის თბილისის სახელმწიფო უნივერსიტეტის ევროპისმცოდნეობის ინსტიტუტსა და საქართველოს პარლამენტის ევროპასთან ინტეგრაციის კომიტეტს შორის ურთიერთთანამშრომლობის მემორანდუმი გაფორმდა, რომელსაც ხელი მოაწერეს კომიტეტის თავმჯდომარემ დავით დარჩიაშვილმა, ტსუ-ის რექტორმა ალექსანდრე კვიციანიძემ და ევროპისმცოდნეობის ინსტიტუტის დირექტორმა ნინო ლაპიაშვილმა.

მემორანდუმის ფარგლებში საქართველოს პარლამენტის ევროპასთან ინტეგრაციის კომიტეტი და ტსუ-ის ევროპისმცოდნეობის ინსტიტუტი შეთანხმდნენ ითანამშრომლონ 4 ძირითადი პუნქტის გათვალისწინებით, რის საფუძველზეც გამოთქვამენ მზადყოფნას, მათ ხელთ არსებული ან სამომავლოდ მოძიებული მატერიალური და ადამიანური რესურსების გამოყენებით ორგანიზება გაუწიონ ერთობლივ ღონისძიებებს. მემორანდუმი მიზნად ისახავს მხარეების საკანონმდებლო და საკონსულტაციო პოტენციალის აქტიურად გამოყენებას საქართველო-ევროკავშირის ურთიერთობების აქტუალურ საკითხებზე.

რომლობა ორმხრივად დადებითი და შედეგიანი იქნება“, – აღნიშნა ტსუ-ის რექტორმა ალექსანდრე კვიციანიძემ.

„მემორანდუმის მიზანია საქართველოს პარლამენტის ევროპასთან ინტეგრაციის კომიტეტმა და ტსუ-ის ევროპისმცოდნეობის ინსტიტუტმა პრაქტიკულად ითანამშრომლონ მთელი რიგი პოლიტიკური და სამართლებრივი საკითხების გადაჭრისას და, თუნდაც, თავისუფალი საგაყრდენი და ეკონომიკური ზონის საკითხის, ასევე, ევროსტრუქტურებში გაერთიანებისა და სამომავლო პერსპექტივების დასახვისას. დღეს ევროკავშირთან ინტენსიურ კონსულტაციებსა და მოლაპარაკებ-



საქართველოს პარლამენტის ევროპასთან ინტეგრაციის კომიტეტი ტსუ-ის ევროპისმცოდნეობის ინსტიტუტს ექსპერტულ მხარდაჭერას გაუწევს მაგისტრანტებისა და დოქტორანტების მომზადებაშიც.

„თბილისის სახელმწიფო უნივერსიტეტის პროფესორებსა და სტუდენტებისთვის მნიშვნელოვანია აქტიურად ჩაერთონ ევროინტეგრაციის საკითხებში, ჩვენ საზოგადოებას ექსპერტთა ჯგუფს ვთავაზობთ, რომელიც მნიშვნელოვანი გადწყვეტილების მიღებისას პროფესიულ ანალიზს წარმოადგენს. მიმაჩნია, ეს თანამშ-

რების ვართ ჩართულნი. ჩვენი ქვეყნის განვითარების ამ მნიშვნელოვან ეტაპზე საზოგადოებისა და ექსპერტთა მაქსიმალურ ჩართულობას ვსაჭიროებთ. ამ კავშირების გაღრმავებისათვის თბილისის სახელმწიფო უნივერსიტეტის თანამშრომლები აქტიურად ზრუნავენ“, – განაცხადა პარლამენტის ევროპასთან ინტეგრაციის კომიტეტის თავმჯდომარემ დავით დარჩიაშვილმა.

ღონისძიებას საქართველოში აკრედიტებული დიპლომატიური კორპუსისა და საერთაშორისო ორგანიზაციების წარმომადგენლებიც დაესწრნენ.

ტსუ-ის საპატიო დოქტორის წოდება პალიატიური მზრუნველობისთვის

„დოქტორი ფრენკ დაგლას ფერისი პალიატიური მზრუნველობის შესახებ ჯერ კიდევ მაშინ საუბრობდა, როცა საქართველოში ამ დარგზე არაფერი იცოდნენ. დარგის განვითარებაში მან განსაკუთრებული წვლილი შეიტანა და მისივე შეფასებით, მედიცინის ამ სფეროში მიღწეული შედეგების თანახმად ჩვენ დღეს რეგიონში ლიდერები ვართ. მას სამართლიანად ენიჭება ტსუ-ის საპატიო დოქტორის წოდება“, – განაცხადა ტსუ-ის რექტორმა ალექსანდრე კვიციანიძემ ბატონ ფერისისთვის ახალი წოდების მინიჭების ცერემონიაზე.

XXI საუკუნის დამდეგი მოსახლეობის გლობალური დაბერებით, ონკოლოგიურ სნეულებათა რიცხვის ზრდით, შიდასის გავრცელებით, ქრონიკული პროგრესირებადი დაავადებების რაოდენობის მატებით აღინიშნა. ყოველივე ამის შედეგად, ყალიბდება იმ ავადმყოფთა დიდი ჯგუფი, რომლებიც დაავადებით გამოწვეული მტანჯველი სიმპტომების გამო ადეკვატურ, კომპლექსურ სამედიცინო და სოციალურ მზრუნველობას საჭიროებენ. სწორედ ამ საქმეს ემსახურება საზოგადოებრივი ჯანდაცვის ახალი მიმართულება – პალიატიური მზრუნველობა. პალიატიური ეწოდება აქტიურ, მრავალპროფილურ მზრუნველობას იმ პაციენტებზე, რომელთა დაავადება მკურნალობას აღარ ექვემდებარება. მისი უპირველესი ამოცანაა ტკივილისა და სხვა პათოლოგიური სიმპტომების მოხსნა და ავადმყოფთა სოციალური, ფსიქოლოგიური და სულიერი მხარდაჭერა. პალიატიური მზრუნველობის მიზანია ავადმყოფებისა და მათი ოჯახების ცხოვრების უკეთესი ხარისხის მიღწევა.

1 თებერვალს ამერიკელ ექიმს, პალიატიური მედიცინის ინსტიტუტის საერთაშორისო პროგრამის დირექტორს ფრენკ დაგლას ფერისს ივანე ჯავახიშვილის სახელობის თბილისის სახელმწიფო უნივერსიტეტის საპატიო დოქტორის წოდება მიენიჭა.

დოქტორი ფერისი არის ნიუ-იორკის ლია საზოგადოების ინსტიტუტის საჯარო ჯანმრთელობის ქსელის პროგრამის საერთაშორისო პალიატიური მზრუნველობის ინიციატივების კონსულტანტი, ნორვეგეტერნის უნივერსიტეტის სამედიცინო სკოლის ბაზაზე შექმნილი პროექტის – „პალიატიური და სიკვდილისწინა მზრუნველობის შესახებ განათლების“ თანახმდგენელი (ჩიკაგო). ავტორი და რედაქტორია პუბლიკაციის – „პალიატიური მზრუნველობის ჩატარების მოდელი: დაფუძნებული ნაციონალურ პრინციპებსა და პრაქტიკის ნორმებზე“, რისთვისაც მედიცინის კანადის თავიანთი 2003 წლის მაისში მისი თადიერებისთვის, დედოფალ ელისაბედ II-ის ოქროს მედალი მიანიჭა, ხოლო კანადის ასო-

ციაციამ 2005 წლის სექტემბერში პალიატიური მკურნალობის ჰოსპისების ეროვნული ლიდერობის ჯილდო გადასცა.

„პალიატიური მზრუნველობის საერთაშორისო ინიციატივების პროგრამის“ დირექტორის მერი კალაგის და დოქტორ ფრენკ დაგლას ფერისის სახელს უკავშირდება საქართველოში პალიატიური მედიცინის მიმართულების დანერგვა. მათ საქართველოში პალიატიური მზრუნველობის განვითარებაში შეტანილი განსაკუთრებული წვლილისათვის საქართველოს პარლამენტის ჯანდაცვისა და სოციალურ საკითხთა კომიტეტის თავმჯდომარის ოთარ თოიძის მიერ ხელმოწერილი მადლობის სერტიფიკატი გადარგდა.

დოქტორი ფერისი მსოფლიოში ერთ-ერთი ყველაზე აღიარებული ექსპერტია პალიატიურ მედიცინაში. იგი საქართველოში პირველად 2003 წელს ჩამოვიდა და მონაწილეობა მიიღო ჯანდაცვის სამინისტროს მიერ ორგანიზებულ კონფერენციაში „ქართულ-ამერიკული სამედიცინო ურთიერთობის 10 წლისთავი“. ამ დროს საქართველოში პალიატიური მზრუნველობა პირველ ნაბიჯებს დგამდა. სწორედ ამ პერიოდში დაიწყო ქართველი სპეციალისტების ინტენსიური თანამშრომლობა დოქტორ ფერისთან. მან საკუთარი სახსრებით პალიატიური მზრუნველობის 2 საერთაშორისო სპეციალისტი მოამზადა: თამარ რუხაძე – საქართველოს ონკოლოგიის ნაციონალური ცენტრის პალიატიური მზრუნველობის სამსახურის ხელმძღვანელი, ტსუ-ის მედიცინის ფაკულტეტზე პალიატიური მზრუნველობის მანდატორული და არჩევითი სასწავლო კურსების ხელმძღვანელი და იოსებ აბესაძე – არასამთავრობო ორგანიზაცია „ონკოპრევენციის ცენტრის“ ჰოსპისის ხელმძღვანელი.

„დოქტორ ფერისის ახლანდელი ვიზიტი უპრეცედენტოა. ამერიკული მხარისა და ფონდ „ლია საზოგადოება-საქართველოს“ დაფინანსებით საქართველოში პალიატიური მედიცინის 7 სპეციალისტი ჩამოვიდა, რომლებიც 3 კვირის განმავლობაში მოამზადებენ და კონსულტაციებს



გაუწევენ ქართველ ექიმებს პალიატიური მზრუნველობის პროგრამის ეფექტური განხორციელების თვალსაზრისით. ორი დღის განმავლობაში 100-მდე ექიმმა გაიარა საკონსულტაციო კურსები უცხოელ სპეციალისტებთან, ხოლო დარჩენილი ორი კვირა ლოგინად ჩაეარდნენ პაციენტებთან კონტაქტს და მათზე პალიატიური მზრუნველობის მოხმარება. დოქტორ ფერისს სამედიცინო თანამშრომლობის გაღრმავების მიზნით საქართველოსთან მიმართებაში დიდი სამომავლო პერსპექტივები აქვს. მას უკვე მომზადებული აქვს ერთობლივი სადოქტორო პროგრამა პალიატიურ მედიცინაში – განაცხადა პალიატიური მზრუნველობის ეროვნული პროგრამის კოორდინატორმა, ტსუ-ის მედიცინის ფაკულტეტის დეკანის მოადგილემ დიმიტრი კორძაია.

წელს დადგინდა, მთელ მსოფლიოში, კვდება 58 მილიონი ადამიანი (45 - მილიონი განვითარებად ქვეყნებში, 13 მილიონი - განვითარებულ ქვეყნებში). გამოკვლეულია, რომ მინიმუმ 60% (35 მილიონი) კვდება ხანგრძლივი, მძიმე დაავადებისგან და საჭიროებს პალიატიურ მზრუნველობას.

თანამედროვე შეხედულებით, პალიატიური მკურნალობა ნებისმიერი ქრონიკული უკურნებელი სნეულების შემთხვევაში უნდა გამოიყენებოდეს. დღესათვის აღიარებულია, რომ პალიატიური მზრუნველობა ბოლომდე ღირსეული სიცოცხლის ფილოსოფიას ამკვიდრებს, ისწრაფვის, რაც შეიძლება დიდხანს უზრუნველყოს ავადმყოფის აქტიური ცხოვრების წესი და გამოხატოს პაციენტის ოჯახის მხარდაჭერა.

საქართველოში პალიატიური მზრუნველობის საქართველოს ეროვნული პროგრამა საქართველოს პირველი ლედის – სანდრა რულოვსის პატრონაჟით ხორციელდება.

მოამზადა თამარ დადიანმა

იურიდიული ფაკულტეტი 90 წლისაა

პირველი გვერდიდან

რადგან კარგი კანონი ცუდი იურიდიული ხელში შეიძლება ბოროტად იქნეს გამოყენებული და, პირიქით, ძალიან ბევრი მაგალითი არსებობს ისტორიაში იმისა, რომ არასრულყოფილი კანონების მიუხედავად, კარგი იურიდიული ხელში სწორი და განვითარებული სამართალი ჩამოყალიბდებოდა. ამდენად, ნიგნე მუშაობისას ჩემი მიზანი მხოლოდ კანონის ნორმების შესწავლა არ ყოფილა, მნიშვნელოვანი იყო, თუ როგორ იყენებენ პოსტსაბჭოთა ქვეყნები კანონის ნორმებს სამართლებრივ პრაქტიკაში. მიინდა გითხრათ, რომ ყოფილი საბჭოთა კავშირის ქვეყნების უმეტესობაში, საქართველოსგან განსხვავებით, სასამართლო გადაწყვეტილებები არ ქვეყნდებოდა. სასამართლო პრაქტიკის შესახებ ინფორმაცია მიუწოდებოდა როგორც იურიდიულთათვის, ასევე, საზოგადოებისათვის. გამონაკლისია საქართველო, სადაც 1999 წლიდან სასამართლოს ყველა გადაწყვეტილება ნებისმიერი დაინტერესებული პირისთვის ხელმისაწვდომია. ასევე, გამოყოფა ყაზახეთსა და აზერბაიჯანს, სადაც ეს პროცესი უკვე დაწყებულია. რაც შეეხება დანარჩენ პოსტსაბჭოთა ქვეყნებს, ამ სახელმწიფოებზე მუშაობისას სასამართლო გადაწყვეტილებების მიღება ან სხვა სამართლებრივი დოკუმენტების მოპოვება, რაც აუცილებლად უნდა ახსულიყო ჩემს ნიგნეში, ზოგჯერ არალეგალური გზითაც გვიწევდა. — განაცხადა ნიგნის ავტორმა ლადო ჭანტურია.

ნიგნეში „კავკასიისა და ცენტრალური აზიის კერძო სამართალი“ ერთ-ერთი თავი მთლიანად ეთმობა პოსტსაბჭოთა ქვეყნებისა და ევროპის სახელმწიფოების იურიდიული განათლების სისტემების ერთმანეთთან შედარებას. ავტორის განმარტებით, ევროპაში იურიდიული განათლების საკითხებს, ძირითადად, იუსტიციის სამინისტრო აწესრიგებს, პოსტსაბჭოთა ქვეყნებში კი — განათლებისა და მეცნიერების სამინისტრო, რის გამოც ამ სახელმწიფოებში იურიდიული განათლება ნაკლებად არის პრაქტიკაზე ორიენტირებული და, ფაქტობრივად, უნივერსიტეტი მომავალ იურისტს ვერ აძლევს იმ ცოდნას, რაც მას პრაქტიკული საქმიანობისთვის სჭირდება.

„ამ მხრივ საქართველოში ბევრი რამ შეიცვალა და ვითარება რადიკალურად განსხვავებულია. როგორც სხვა მრავალ საკითხში, იურიდიული განათლების სფეროშიც საქართველო რეფორმების როლს თამაშობს და ნერვებს სწავლების მეთოდს, რომელიც მომავალი იურიდიულთათვის პრაქტიკული უნარ-ჩვევების გამოუმუშავებლად ორიენტირებული“ — აღნიშნა ლადო ჭანტურია.

ნიგნის პრეზენტაციაზე მან თსუ-ის იურიდიული ფაკულტეტის ბიბლიოთეკას მისივე ავტორობით გამოცემული რამდენიმე ნიგნეც უსახსოვრა. ესენია: „კორპორაციული მართვა და ხელმძღვანელთა პასუხისმგებლობები საკორპორაციო სამართალში“, „სამართალი, ეკონომიკა და კეთილდღეობა“ და რუსულ ენაზე შესრულებული სახელმძღვანელო „სამოქალაქო სამართლის საფუძველზე ზოგადი ნაწილი“. მან ბიბლიოთეკას გადასცა, ასევე, ბრემენის უნივერსიტეტის ორი საერთაშორისო კონფერენციის მასალებიც, რომლის ერთ-ერთი გამოცემეც თავად გახლავთ.

იურიდიული ფაკულტეტის II სტუდენტური კონფერენცია

აფხაზეთი, ცხინვალის რეგიონი, ახალგაზრდის რაიონი... საქართველო პატარაა, თუმცა, სამწუხაროდ, ბოლო წლებში კონფლიქტის ზონების რიცხვი გაიზარდა. რუსეთის სამხედრო აგრესია ჩვენთვის სავალალო შედეგებით დასრულდა, საინფორმაციო ომს კი იგი დღემდე განაგრძობს. საქართველოში არსებულ კონფლიქტურ ზონებთან დაკავშირებით თსუ-ში გამართულ ღონისძიებებზე არაერთხელ მოგვიხსენია მოსაზრება, რომ სტუდენტობა ამ საკითხებთან დაკავშირებით პასიურობს, თუმცა ეს სიმართლეს არ შეესაბამება.

თსუ-ის იურიდიული ფაკულტეტის 90 წლის იუბილეს ფარგლებში გამართულ II სტუდენტურ კონფერენციაზე, ამ თემასთან დაკავშირებით, იურიდიული ფაკულტეტის ბაკალავრმა ქეთევან მამადაშვილმა წარმოადგინა მოხსენება — „აფხაზეთისა და ე.წ. სამხრეთ ოსეთის აღიარება-არაღიარების პრობლემა თანამედროვე საერთაშორისო სამართალში“. ნაშრომის შესავალში ავტორი საერთაშორისო მასშტაბით თვითღიარებული რესპუბლიკების პრობლემაზე საუბრობს, თუმცა ძირითად ყურადღებას აფხაზეთის და ცხინვალის რეგიონის კონფლიქტურ ზონებზე ამახვილებს. ქეთევან მამადაშვილი საკუთარ პოზიციასაც გამოხატავს და აღნიშნავს, რომ „2008 წლის აგვისტოს ომის შემდგომ უკვე სამხრეთ ოსეთის საკითხზე საქართველოს ყველა მოქალაქისთვის, განურჩევლად ეროვნებისა, მტკივნეული გახდა. ეს შეეხება იმ უცხოელებსაც, რომლებიც ავგიანების მოვლენების დროს ამაყად ამბობდნენ: „დღეს მეც ქართველი ვარ!“ თუმცა, რაც არ უნდა მწარე იყოს სიმართლე, ზოგიერთის მხრიდან მხოლოდ აღმოფხვრების გამოვლენის ფაქტი არ კმარა, უფრო აქტიური მოქმედება საჭიროა.

ქეთევან მამადაშვილი საკუთარ ნაშრომში დანერგული აღწერს რუსეთის ქმედებებს, რომლებიც წინააღმდეგობაში მოდის საერთაშორისო დიპლომატიურ ნორმებთან, ასევე, საუბრობს კოსოვოს პრეცედენტზეც, რომლის გამოყენებასაც თვითღიარებული რესპუბლიკები სა-

თავისოდ ცდილობენ. ახალგაზრდა მკვლევარი ყურადღებას ამახვილებს იმ განსხვავებებზეც, რაც კოსოვოს დამოუკიდებლობის აღიარების მოტივაციას გამოარჩევს აფხაზეთისა და ე.წ. სამხრეთ ოსეთის დამოუკიდებლობის უკანონოდ აღიარებისგან. ავტორი საუბრობს კონფლიქტების მოუგვარებლობის მიზეზებზეც და ორ ასპექტს გამოყოფს — მატერიალურს და ფსიქოლოგიურს. „მატერიალური ფაქტორი მდგომარეობს იმაში, რომ სახელმწიფოს არ გააჩნია შესაბამისი სამხედრო და ეკონომიკური რესურსები ტერიტორიული პრობლემის გადასაწყვეტად, ფსიქოლოგიური ფაქტორი კი გულისხმობს, რომ სახელმწიფოს და საზოგადოებას არ აქვს ნათლად წარმოდგენილი, თუ როგორ უნდა მოგვარდეს კონფლიქტი“, — აღნიშნულია ნაშრომში.

დასკვნით ნაწილში კი ქეთევან მამადაშვილი კონფლიქტების საერთაშორისო მნიშვნელობაზე საუბრობს და აღნიშნავს, რომ ეს პრობლემა აქტუალურია არა მხოლოდ საქართველოსთვის, არამედ, ზოგადად, მსოფლიოსთვის, რადგან რუსეთის იმპერიალისტური ქმედებები ყველასთვის საფრთხეს წარმოადგენს.

ქეთევან მამადაშვილის ნაშრომის ჩათვლით თსუ-ის იურიდიული ფაკულტეტის II სტუდენტურ კონფერენციაზე 12 ნაშრომი იყო წარდგენილი. აღსანიშნავია, რომ კონფერენციაზე სტუდენტებმა საკუთარი მოხსენებები პირველი, შესარჩევი ეტაპის ნარმატივით გაავსეს შემდეგ წარდგინეს. ესენია: ქეთევან ქიტოშვილის — „საკუთრება, როგორც ბუნებითი უფლება“, ანი ფარჯიანის — „სამართლის გლობალიზაცია: არის თუ არა სამართალი სახელმწიფოსგან დამოუკიდებელი“, გიორგი ფარულავას — „აბსოლუტიზმის ფორმები“, მარეხი კვიციანის — „ნიგნების კლასიფიკაცია ძველი ქართული და რომაული სამართლის მიხედვით“, ნიკოლოზ ავლაძის — „სამართლისა და სახელმწიფოს წარმოშობა და განვითარების ზოგიერთი თავისებურება ძველ აღმოსავლეთში“, ნინო უტიანოვილის — „საერთაშორისო სამართლებრივი ცნობა

ბულები“ უკვე თარგმნილია პორტუგალიურ, ესპანურ, კორეულ და რუსულ ენებზე. ქართული გამოცემის თარგმანი ზურაბ არსენიშვილს ეკუთვნის, მისი სამეცნიერო რედაქტორი კი სამართლის დოქტორი ირაკლი დვალაძეა. მისი თქმით, სახელმძღვანელოს ქართული თარგმანი იურიდიული განათლების დაუფლებისა და გაღრმავების სურვილის მქონე მკითხველისთვის ერთობ საინტერესო ლიტერატურულ წყაროს წარმოადგენს. მისი ქართულ ენაზე გამოცემა ქართველი სტუდენტებისა და პროფესორ-მასწავლებლებისთვის მნიშვნელოვანია, რადგან ქართული სისხლის სამართალი, ჯერჯერობით, ისევე ინარჩუნებს გერმანული სამართლის გავლენას და ამ სახელმძღვანელოს საშუალებით ისინი გერმანული სისხლის სამართლებრივ აზროვნებას უკეთ გაიცნობენ.

„ქვეყნის დანაშაულად კვალიფიკაციის ზოგადი თეორია“

თსუ-ის იურიდიული ფაკულტეტი რომ აქტიური სამეცნიერო მუშაობა მიმდინარეობს, ამას ფაკულტეტის 90 წლის იუბილეს კვირულის ფარგლებში გამართული კიდევ ერთი ნიგნის პრეზენტაციაც ადასტურებს. გურამ ნაჭყვიაძის ნიგნი „ქვეყნის დანაშაულად კვალიფიკაციის ზოგადი თეორია“ 2010 წელს გამოიცა, თუმცა ავტორმა იგი საზოგადოებას ოფიციალურად მიმდინარე წლის 3 თებერვალს წარუდგინა. ნაშრომი სამეცნიერო-კვლევითი ხასიათისაა და, ასევე, იურიდიული ფაკულტეტის სტუდენტებისთვის დამზადებული სახელმძღვანელოცაა გათვლილი. გურამ ნაჭყვიაძის ნაშრომი პირველია, რომელიც ქვეყნის დანაშაულად კვალიფიკაციის ზოგადი თეორიის შესახებ ქართულ ენაზე დაიწერა. აღსანიშნავია, რომ, ამ მიმართულებით, 1997 წელს ალ. კვაშილავას ნაშრომი „დანაშაულის კვალიფიკაციის პრობლემები“ გამოქვეყნდა, თუმცა იგი ძველი კანონმდებლობის საფუძველზეა აგებული.



მეგობრად მთავარ პროკურორს

იურიდიული ფაკულტეტი აქტიურად თანამშრომლობს პრაქტიკულ საქმიანობაში ჩაბმულ იურისტებთან. ამის ადასტურებს 4 თებერვალს იურიდიული ფაკულტეტისა და მთავარ პროკურორის შორის გაფორმებული მეგობრადუმი. ხელშეკრულების თანახმად, თანამშრომლობის ფარგლებში ერთობლივი საგანმანათლებლო ლექცია-სემინარების, მასტერ-კლასებისა და იმპროვიზებული სასამართლო პროცესების გამართვა იგეგმება. მასში მონაწილეობას უცხოელი ექსპერტებიც მიიღებენ. მეგობრადუმი მოკლევადიანი სასერთიფიკატო პროგრამების ერთობლივად განხორციელებასაც ითვალისწინებს.

თსუ-ის იურიდიული ფაკულტეტისა და მთავარ პროკურორს შორის გაფორმებული მეგობრადუმი ხელი მოაწერეს ფაკულტეტის დეკანმა ირაკლი ბურდულმა და მთავარი პროკურორის პირველმა მოადგილემ დავით საყვარელიძემ.

აპირიკალი პროკურორი თსუ-ში

თსუ-ის იურიდიული ფაკულტეტისა და საერთაშორისო მთავარ პროკურორის შორის ერთობლივად დაგეგმილი პროგრამის ფარგლებში შემდეგ თბილისის სახელმწიფო უნივერსიტეტის სტუდენტებისთვის აშშ-ის ოპიონის შტატის სამხრეთ ოლქის მთავარმა პროკურორმა ლექცია წაიკითხა. პროკურორი კარტერ სტიუარტი მომავალ ქართველ იურისტებს ამერიკელი პროკურორის როლის შესახებ ესაუბრა და ამერიკის შეერთებული შტატების პროკურორების მუშაობის სისტემა გააცნო. აშშ-ის ოპიონის შტატის სამხრეთ ოლქის მთავარმა პროკურორმა მომავალ ქართველ იურისტებთან საქართველოში ერთ-ერთ ყველაზე აქტუალურ თემაზე — ნაციონალური ინსტიტუტის მნიშვნელობაზეც ისაუბრა.

რომის სამართლის კვლევის ქართული თარგმანის პრეზენტაცია

როდესაც XI საუკუნეში ევროპის უნივერსიტეტებში იუსტინიანეს „დიგესტები“ ხელახლა აღმოაჩინეს, ევროპული სამართლის განვითარების მიმართულება მნიშვნელოვნად შეიცვალა. თანამედროვე იურიდიული მეცნიერება რომის სამართალს დასავლური იურისპრუდენციის, განსაკუთრებით კი კერძო სამართლის ერთ-ერთ ძირითად წყაროდ განიხილავს. იუსტინიანეს „დიგესტები“ ლათინურიდან უკვე მრავალ ენაზეა გამოცემული. ქართულ ენაზე კი იგი თსუ-ის პროფესორმა ნუგზარ სურგულაძემ თარგმნა. პროფესორის მიიჩნევს, რომ იუსტინიანეს „დიგესტები“ თანამედროვე და ევროპული სამართლის ორგანული ნაწილია და ახლა, როდესაც ქართული სამართლის გეზი ევროპისკენაა მიმართული, ქართველი სტუდენტებისთვის იუსტინიანეს ნაშრომის გაცნობა განსაკუთრებით მნიშვნელოვანია. რომის სამართლის მეორე ძეგლი, რომელიც ნუგზარ სურგულაძემ ქართულ ენაზე თარგმნა გაიყუდა „ინსტიტუტებისა“. ეს არის სახელმძღვანელო, რომლითაც ძველ რომში სტუდენტებს ასწავლიდნენ და, დღესაც, იტალიელი სტუდენტებისთვის რომის სამართლის სპეციალური კურსის სწორედ ამ ნიგნით იკითხება.

იუსტინიანეს „დიგესტებისა“ და გაიუსის „ინსტიტუტების“ ქართული თარგმანების პრეზენტაცია თსუ-ში 5 თებერვალს შედგა. გამოცემებს თან ერთვის შენიშვნები, საძიებლები და ლექსიკონი.

„საკონსტიტუციო კონტროლი საქართველოში“

იურიდიული ფაკულტეტის 90 წლის იუბილესადმი მიძღვნილი კვირული ასისტენტ-პროფესორის გიორგი კახიანის ნიგნის „საკონსტიტუციო კონტროლი საქართველოში“ პრეზენტაციით დასრულდა. ეს არის საქართველოში პირველი სამეცნიერო ნაშრომი, რომელიც, ერთი მონოგრაფიის ფარგლებში, მთელი კანონმდებლობა განხილულია. მოქმედი კანონმდებლობის გარდა, ავტორმა წარსულში მოქმედი კანონმდებლობაც გააანალიზა და, თემის განხილვა 1918-1921 წლების საქართველოს კონსტიტუციით დაიწყო. ნაშრომში ძირითადი ნაწილი საკონსტიტუციო სასამართლოს ეთმობა, განხილულია მის უფლებამოსილებებთან დაკავშირებული საკითხები და მოცემულია მათი კლასიფიკაცია მიზნების მიხედვით, ანუ თუ რა მიზნების განხორციელებას ემსახურება ეს თუ ის უფლებამოსილება. ნიგნის გარკვეული მონაკვეთი საკონსტიტუციო სამართალწარმოებას უკავშირდება.

„ეს არის ნიგნი, რომელიც 1921 წლის 21 დეკემბრის კონსტიტუციის 90 წლისთავს მიეძღვნა. ნაშრომის მთავარი თემა საკონსტიტუციო კონტროლია. მომავალში გადაწყვეტილი მაქვს, რომ ეს გამოცემა განვაახლო, რადგან ყველა საკითხი, რისი განხილვაც მინდოდა ამ მონოგრაფიაში, მოცემული არ გახლავთ. მაგალითად, საკონსტიტუციო სასამართლომ ბოლო კონსტიტუციური ცვლილებების შედეგად კიდევ დამატებითი უფლებამოსილებები შეიძინა, თუმცა ეს ჯერ ორგანულ კანონში არ ახსულა და, შესაბამისად, ეს საკითხი მონოგრაფიაში არ განიხილავს“, — განაცხადა ნიგნის ავტორმა გიორგი კახიანმა.

ნიგნის პრეზენტაციას საკონსტიტუციო სასამართლოს მოსამართლეებიც დაესწრნენ. აღსანიშნავია, რომ გიორგი კახიანის მონოგრაფია ყველა მათგანმა დადებითად შეაფასა. მათი განცხადებით, ეს არის სამეცნიერო ნაშრომი, რომელიც მხოლოდ თეორიაზე არ გახლავთ აგებული და პრაქტიკიდან მოყვანილი პრეცედენტებით საკმაოდ მდიდარია.

„ამ ნაშრომში კარგად არის გაანალიზებული თანამედროვე ვითარება და ნინა ისტორიაც, კრიტიკული თვალთახ არის შეფასებული ზოგიერთი ტენდენცია, რაც მიახლოებს იმაზე, რომ ეს ნაშრომი აუცილებლად გამოიწვევს სამეცნიერო დებატებისა. ეს მეცნიერებსა და პრაქტიკოს იურისტებს საშუალებას აძლევს კიდევ უფრო ჩაუღრმავდნენ ამ თემას“, — აღნიშნა საკონსტიტუციო სასამართლოს თავმჯდომარე გიორგი პაპუაშვილმა.

საიუბილეო კვირულის ფარგლებში გამართული ღონისძიებები იურიდიული ფაკულტეტის დეკანმა ირაკლი ბურდულმა დადებითად შეაფასა: „ეს პირველი შემთხვევაა, როდესაც იურიდიული ფაკულტეტის დაარსების წლისთავი აღვნიშნეთ. მიზანდასახულია, რომ 90 წლის იუბილესადმი მიძღვნილმა კვირულმა ნაყოფიერად ჩაიარა. უნივერსიტეტმა შეიძლება იამაყოს იმით, თუ რა კვლევებზე მუშაობს მისი აკადემიური პერსონალი, რა სამეცნიერო ნაშრომები იქმნება მის წიაღში და როგორ აქტიურობენ სტუდენტები სამეცნიერო კონფერენციებში“, — განაცხადა ირაკლი ბურდულმა.

იურიდიული ფაკულტეტის 90 წლის იუბილესადმი აღნიშნული ღონისძიებები დასრულდა. მიმდინარე წლიდან კი ფაკულტეტის საიუბილეო თარიღის აღნიშვნა ტრადიციად იქცევა.

მომზადდა ნატო ობოლასძემ

ორგანული სინთეზი ქიმიასთან

უნივერსიტეტის ქიმიკოსებისა და მსოფლიო სამეცნიერო საზოგადოებისთვის ქიმიის მეცნიერებათა დოქტორი, თსუ-ის პროფესორი შოთა სამსონია ის მეცნიერია, რომლის მოსაზრებებსა და შეფასებებს ყურადღებით ისმენენ და ითვალისწინებენ.

წელს ბატონ შოთა სამსონიას დაბადებიდან 70 წელი შეუსრულდა. იუბილე მისმა მოსწავლეებმა, კოლეგებმა და უნივერსიტეტის ზუსტ და საბუნებისმეტყველო მეცნიერებათა ფაკულტეტმა განსაკუთრებული სითბოთი აღნიშნეს, რადგან, მათი აზრით, ორგანული ქიმიის მიმართულია დიდადა დავალებული პროფესორ შოთა სამსონიას სამეცნიერო მოღვაწეობით.

ვისაც სტუდენტობაში ორგანული ქიმია ჩაუბარებია და აინტერესებს — რა ნიშანი დაიმსახურა მაშინ, შეუძლია ბატონ შოთას მიმართოს — სწორედ მასთან ინახება ყურნალი, რომელშიც ყველა სტუდენტის ნიშნებია ჩამონერილი. ამ ყურნალს ახლა სახალისოდ მიჩვენებს, მაგრამ ამ იუმორში მთავარი სხვა რამაა — პეტრე მელიქიშვილის კაბინეტში, რომელშიც დღეს ბატონი შოთა მუშაობს, ტრადიციულია და სიახლის სინთეზი თვალნათლივ იგრძნობა. აქ ინახება უამრავი რარიტეტული გამოცემა და ნივთი, რომელიც დღეს უკვე უნივერსიტეტის ისტორიაა და განსაკუთრებით უფრთხილდება, რადგან, მათი აზრით, სიძველესადმი პატივისცემა ჯანსაღი ნერვის ამოზრდის საშუალებას იძლევა.

მაინც რა არის მისი სამეცნიერო მოღვაწეობის ხიბლი? როგორ მოვიდა დღემდე? რა შესძინა მეცნიერს ქიმიამ და თბილისის სახელმწიფო უნივერსიტეტში მოღვაწეობის წლებში? როგორ ხედავს იგი მეცნიერების განვითარების პერსპექტივებს? გაზეთმა „თბილისის უნივერსიტეტი“ ამ კითხვებით მიმართა იუბილარს.

მაია ტორაძე

— ხშირად ვამბობთ, რომ პროფესია ადამიანების ხასიათის ჩამოყალიბებაში დიდ როლს თამაშობს, რადგან წლების განმავლობაში მათ აზროვნების განსხვავებული სტილი უყალიბდებათ. შეგიძლიათ გვითხროთ, რა მოგვცა ქიმიამ ადამიანურად და პროფესიული თქვენს ხასიათში?

— ხომ ეკითხებიან რესპონდენტებს, თავიდან რომ დაიწყეთ ცხოვრება, რას შეცვლიდით? ჩემთვის რომ ეს კითხვა დაგესვათ, გიპასუხებდით, ისევე ქიმიას ავირჩევდი, რადგანაც სხვა ალტერნატივა არასოდეს მქონია.

განსაკუთრებით გამოვყოფ უნივერსიტეტის პედაგოგებს. მათ შორის, ბატონ ილო გვერდინიძეს, რომელიც საქართველოს მეცნიერებათა აკადემიის ნევრ-კორესპონდენტი გახლდათ და პეტრე მელიქიშვილის კათედრაზე მოღვაწეობდა. ბატონი ილია ჩემი მარტო პედაგოგი არ იყო, მან ბევრ რამეში გამიკვალა გზა.

ერთ ეპიზოდს გავიხსენებ — სანამ დისერტაციას დაენერდი, ჩემი ასპირანტურაში სწავლის ვადა დასრულდა და, ცხადია, სტიპენდია მომეხსნა. არადა, დისერტაციის დასასრულებლად კიდევ 4 თვე მჭირდებოდა. ბატონმა ილიამ მომწერა, მშვიდად იმუშავე, მე გაგიგრძელებ ასპირანტურის კურსს. ამ გზით, მოსკოვში, 75 მანეთსა და 30 კაპიკს, სტიპენდიის სახით, ყოველი თვის ბოლოს ვიღებდი. დავასრულე წერა და დავიცავი დისერტაცია, მაგრამ ერთი თვე კიდევ დამჭირდა საქმის დასამთავრებლად და ბატონ ილიას მოვწერე — თუ შეიძლება, კიდევ ერთი თვით გამიგრძელებთ კურსს, რომ საქმე ბოლომდე მიყუყუანო-მეთქი... პასუხად მივიღე — „მეტი სახსრები მეც აღარ მაქვს, რომ გამოგიგზავნო და თუ შეიძლება, ჩამობრძანდით თბილისში“ — აღმოჩნდა, რომ ამ 4 თვის მანძილზე ბატონი ილია საკუთარი ხელფასიდან მიგზავნიდა „სტიპენდიას“. ასეთი მაგალითები გახდა იმის სანინდარი, რომ მეც ასე მემუშავა ჩემს ასპირანტებთან. ბატონი ილიასგან ვისწავლე სტუდენტთან, ასპირანტთან თუ დოქტორანტთან ურთიერთობა.

— მეცნიერებამ დიდი გაცაცება იცის... თავიდან რითი დაიწყეთ, როდის მიხვდით, რომ ქიმია გაინტერესებდათ?

— მახსოვს, მე და ჩემს მეგობარს, მურად ცარციძეს, შემდგომში ბიოლოგიის ფაკულტეტის დეკანს და უფრედული და მოლეკულური ბიოლოგიის კათედრის გამგეს, მასწავლებელი მორიგეობით გვეუბნებოდა — ეს მასალა ნაკითხეთ და ახსენით გაკვე-

თილი, ასე მოვიდა ქიმიისადმი დიდი ინტერესი და ამ საგნისადმი განსაკუთრებული დამოკიდებულება, რასაც ჩემს შემთხვევაში ოჯახურმა ტრადიციამაც შეუწყო ხელი. ჩემი მშობლები ქიმიკოსები იყვნენ. მამა — ავთანდილ სამსონია ანალიზური ქიმიის მიმართულებით უნივერსიტეტის დოცენტი გახლდათ. იგი ნიკო კეცხოველის დროს მოღვაწეობდა, ლენინგრადის უნივერსიტეტში დაიკვა დისერტაცია და სამამულო ომში წავიდა, დაბრუნების შემდეგაც სწავლა ლენინგრადის უნივერსიტეტის დოქტორანტურაში განაგრძო. მამა 1955 წელს, 49 წლის ასაკში, ლაბორატორიაში მუშაობის დროს დაიღუპა. მისი სიკვდილის მიზეზის შესახებ ჩვენ გვაქვს დასკვნა, რომელშიც წერია, იგი უცნობი შხამით მოინამლა. ეტყობა, ლაბორატორიაში გახდა ცუდად და რადგანაც მარტო იყო, შევლა ვერავინ შეძლო. ეს კიდევ ერთი მაგალითია იმისა, რომ ქიმიის ლაბორატორიაში მარტო მუშაობა არაფრით შეიძლება. დედა — ელენე ციტიშვილიც ქიმიკოსი იყო — ფიზიკური ქიმიის განხრით მუშაობდა თბილისის სახელმწიფო უნივერსიტეტში.

ჩემი ინტერესის სფერო თავიდანვე ორგანული ქიმია იყო. ბატონმა ილიამ სტუდენტობიდანვე შემომთავაზა ეს მიმართულება და სიამოვნებით დავთანხმდი.

მუშაობა დავიწყე ორგანულ ქიმიამში, ხოლო საკანდიდატო დისერტაცია დავიცავი მაკრომოლეკულურ ქიმიამში. 1968 წელს ორგანული ქიმიის კათედრას გამოვეყო მდალე-მოლეკულურ ნაერთთა ქიმიის კათედრა. მე შემომთავაზეს ორგანული ქიმიის კათედრა და ამ კათედრაზე დავრჩი. მინდა გითხრათ, რომ ძალიან დიდი სიამოვნება მივიღე აქ მუშაობით.

— ამ ეტაპზე რაზე მუშაობთ?

— ამჟამად პეტროციკლურ ნაერთთა ქიმიამში ვმუშაობ. თქვენ თუ მედიკამენტების მოხმარების წესს ნაკითხავთ და დააკვირდებით, მიხვდებით, რომ ყველა ეს მედიკამენტი პეტროციკლურ ნაერთთა ქიმიას ეკუთვნის. ეს არის ახალი სისტემები, ახალი რეაქტივები, ანომალური რეაქციები და მიღებულ ნაერთთა სკრინინგი ბიოლოგიურ აქტიურობაზე. ძირითადად ეს ტუბერკულოზის, ანტიბაქტერიოლოგიური და ონკოლოგიური დაავადებების საწინააღმდეგო პრეპარატებია... მე და ჩემი კოლეგები ამ საკითხებზე აქ ვმუშაობთ და შემდეგ მიღებულ შედეგებს გერმანიაში, ფორმა „ასტამედიკა“-ში ვავაზავთ, რომელთანაც ინტენსიურად ვთანამშრომლობთ.

ხელშეკრულება დადებული ასევე ამერიკის მერილენდის შტატის სამხედრო სამედიცინო ბაქტერიოლოგიური ინსტიტუტთან. მიღებულ ნივთიერებებს იქაც ვავაზავთ სკრინინგისთვის.



— როგორც ჩვენთვის ცნობილია, თქვენ საქმიანობთ თანამშრომლობით უცხოურ სამეცნიერო წრებთანაც...

— ამ კონტაქტებს საფუძველი ჯერ კიდევ 1971 წელს ჩაეყარა. მაშინ საბჭოთა კავშირიდან 14 ახალგაზრდა გაგვავაზვნეს გერმანიაში. ერთწლიანი სამეცნიერო სტაჟირება გავიარე გუტენბერგის უნივერსიტეტში (ქ. მაინცი). მათთან დღესაც ვმეგობრობ.

შემდეგ დაიწყო გაცვლითი პროგრამები საარბოიუკენის უნივერსიტეტთან. 1987 წლიდან ამ გაცვლით პროგრამაში ვარ ჩართული და კვლევებისთვის ორ წელიწადში ერთხელ გერმანიაში ჩავდივარ. ამ კონტაქტების შედეგად ბევრმა ჩემმა მაგისტრანტმა თუ დოქტორანტმა გაიარა სტაჟირება უცხოეთის სამეცნიერო დაწესებულებებსა თუ ლაბორატორიებში და მუშაობის კარგი პრაქტიკა მიიღო. სხვათა შორის, ახლაც გვყავს გაგზავნილი უცხოეთში რამდენიმე ახალგაზრდა. მაგალითად, თამარ დოროშენკო, რომელმაც წელს დაამთავრა მაგისტრატურა და საარბოიუკენის უნივერსიტეტში ერთობლივი სადოქტორო პროგრამით ორგანული ქიმიის ინსტიტუტის პროფესორთან ული კაცმაიერთან იმყოფება.

ბევრი ჩემი ყოფილი ასპირანტი დღეს საზღვარგარეთ მუშაობს. უნდა გამოვყო ელისო გოგრიჭანი, რომელიც ფრაიბურგში მოღვაწეობს, მარინა ნარინდოშვილი და მაია ციკოლია, ისინი ფლორიდის უნივერსიტეტში საქმიანობენ. საქართველოს საზღვრებს გარეთ მოღვაწეობენ ნინო ლომაძე, ნოდარ მახარაშვილი, ნუგზარ ლავთაძე და სხვები. შეიძლება თქვას, რომ საზღვარგარეთ, ორგანული ქიმიის მიმართულებით, სერიოზული ქართული სამეცნიერო ჯგუფია შექმნილი.

— 48-ე წელია, რაც მეცნიერებაში მოღვაწეობთ და თქვენს თვალწინ მეცნიერების განვითარების რამდენიმე ეტაპმა გაიარა. როგორ იყო მეცნიერების განვითარების პერსპექტივები ადრე, როგორია დღეს და როგორ ხედავთ მას მომავალში?

— თუ გადავხედავთ ადრინდელ ეტაპს, ერთადერთი პრობლემა მაშინ უცხოური წარმოების ხელსაწყობის შესაძენად საქირო ვალუტის შოვნა იყო, მაგრამ ისეთი კავშირები იყო საბჭოთა კავშირის ქვეყნების სხვადასხვა სამეცნიერო დაწესებულებებს შორის, რომ ადვილად ვსარგებლობდით საბჭოთა რესპუბლიკების სამეცნიერო ინსტიტუტებით. მაშინ საკმაოდ კარგ ხელსაწყობს ამზადებდა გერმანიის დემოკრატიული რესპუბლიკაც. დაფინანსებისა და რეაქტი-

ვების შექმნის პრობლემა არ არსებობდა. შემდეგ ისე მოხდა, რომ საქართველო დამოუკიდებელი გახდა, გადავედით საბაზრო ეკონომიკაზე, შეუდარებლად გავვიძიეთ სამუშაო მასალები, რეაქტივები და ხელსაწყობები, ახლა მათ მოვიპოვებს მხოლოდ საგრანტო დაფინანსებით თუ ვახერხებთ. ეს ცუდი არ არის, მაგრამ ერთი დიდი ნაკლი აქვს — წყვეტა ახასიათებს, რასაც თანამშრომლების გადინება მოჰყვება. გრანტის არარსებობის შემთხვევაში ისინი დაუსაქმებლები რჩებიან და კადრი, რომელიც წლების განმავლობაში შენს ლაბორატორიაში იზრდება, იკარგება.

— ამ პრობლემის გამოსწორებისთვის კონკრეტულ გზას თუ ხედავთ?

— ორი გზა არსებობს — ერთი ის, რომ შესაძლებელია მოხდეს რეალურად მოქმედი ლაბორატორიების სახელმწიფო ფინანსირება. მეორე კი გახლავთ გერმანული მოდელი — უნდა დავეყრდნოთ მოქმედ ლაბორატორიებს, რომლებსაც აქვთ სამეცნიერო პროდუქტა — იქ მუშავდება პროექტები, წარმოებს კვლევა, ცდები და ინერჯა სამეცნიერო სტატიები. თუ ასეთი ლაბორატორია მიმართავს ფონდს, რომ ესა თუ ის სამეცნიერო კვლევა უნდა დაფინანსდეს, მან ის უნდა დააფინანსოს. ეს განსაკუთრებით ეხება ფუნდამენტურ მეცნიერებებს და კვლევებს, რაც აუცილებლად უნივერსიტეტის ნიაღში უნდა განხორციელდეს. გერმანიაში, ნებისმიერი პროფესორი, ან დამწყები მეცნიერი თუ სამეცნიერო პროექტით მიმართავს იქ არსებულ სამეცნიერო ფონდებს, მას აფინანსებენ.

გრანტების დაფინანსების შემდეგ ფონდი ნახავს, რა შედეგები მოყვა ამ კვლევებს და შემდეგ ესეც უნდა იქნეს გათვალისწინებული.

— ჩვენ ვნახეთ, რამდენი თქვენი კოლეგა და მოსწავლე გალიარებთ, როგორც კარგ მეცნიერს და ხელმძღვანელს. მათ თქვენ უყვარხართ. რითაა განმსვენული თანამშრომლების თქვენდამი ასეთი დამოკიდებულება?

— ალბათ იმით, რომ მე მიყვარს ეს ხალხი... თანამშრომელს უნდა უზაროდეს სამსახურში მოსვლა და ლაბორატორიაში მუშაობა. ხელმძღვანელთან ურთიერთობა მისთვის სასიამოვნო და საქმიანი უნდა იყოს. თუ მას უშინია, თუ მას ფეხები უკან რჩება, საქმიანად არაფერი გამოვა... რა თქმა უნდა, მომთხოვნიც უნდა იყო, მაგრამ შენი თანამშრომლის ღირსებას უნდა იცავდე...

პროექტი

„ისტორიის“ თანამედროვე გააზრება

„ისტორიის კვლევის ახალი ტენდენციები 21-ე საუკუნის დასაწყისში: ძველი წინა აზიისა და ხმელთაშუაზღვისპირეთის გზაჯვარედინზე“ — ამ სახელწოდებით 4-5 თებერვალს ივანე ჯავახიშვილის სახელობის თბილისის სახელმწიფო უნივერსიტეტში საერთაშორისო კონფერენცია გაიმართა, რომელიც დაკავშირებული იყო საერთაშორისო პროექტთან „მარადიული დედაქალაქები“ — უძველესი კოსმოპოლიტური ქალაქებიდან თანამედროვე მეგაპოლისებამდე.

კონფერენციაზე წარმოდგენილი თემატიკა ისეთ გლობალურ საკითხებს მოიცავდა, როგორცაა: კულტურული დიფუზია და ადგილობრივი განვითარება; ლოკალური იდენტობა და გლობალური კულტურული სინთეზის პროცესი; მსოფლიო სისტემების თეორია; დროის გეოგრაფია; მისახლეობის გადაადგი-

ლება; ვაჭრობა; გეოგრაფიული განფენილობა და ლანდშაფტის როლი; მოგზაურობისა და ტრანსპორტის ტექნოლოგიები; კოლონიზაცია; კოლონიებისა და იმპერიების ურთიერთქმედება; სოციალური ურბანიზაციის საკითხები და სხვ.

პროექტის აკადემიური დირექტორის, თსუ-ის ჰუმანიტარულ მეცნიერებათა ფაკულტეტის პროფესორის ეკა ავალიანის ინფორმაციით, საერთაშორისო პროექტის ფარგლებში დაგეგმილი კონფერენცია, რომელიც სწავლობს 21-ე საუკუნის ახალ ტენდენციებს ისტორიის მეცნიერებაში, წარმოადგენს ერთგვარ აქციას და იგი ყოველწლიურად იმართება თბილისის სახელმწიფო უნივერსიტეტში, რაც ქართველ მეცნიერებს საშუალებას აძლევს, უცხოელ კოლეგებთან ერთად, აქტიურად ჩაერთონ კვლევის პროცესებში და გაიზიარონ მათი გამოც-

დილება. ამავე თვალსაზრისით მნიშვნელოვანი იყო წინა წელს ჩატარებული კონფერენცია თემაზე: „უმადლეისი განათლების ინტერნაციონალიზაცია: ახალი აზროვნების შემოტანა ისტორიაში“.

საერთაშორისო კონფერენციის მონაწილეებს მიესალმა ჰუმანიტარულ მეცნიერებათა ფაკულტეტის დეკანი დარეჯან თვალთვაძე, რომელმაც მიმდინარე სამეცნიერო ფორუმის მნიშვნელობაზე ისაუბრა და მადლობა გადაუხადა კონფერენციის მხარდამჭერ ორგანიზაციებს, პროექტის საორგანიზაციო კომიტეტის წევრებს: თსუ-ის პროფესორს ეკა ავალიანს, მეტაფიზიკის უნივერსიტეტის პროფესორს გორა ცეცხლაძეს და პროექტის სპონსორებს.

„ჩვენთვის სასიხარულოა, რომ დღევანდელ ფორუმს ესწრებიან მსოფლიოს სხვადასხვა ქვეყნის გამოჩენილი ისტორიკოსები და მკვ-

ლევრები, რომელთა გამოცდილების გაზიარება მნიშვნელოვანია თბილისის სახელმწიფო უნივერსიტეტის პროფესორ-მასწავლებლებისთვის. კონფერენციაზე წარმოდგენილი თემატიკა იმდენად აქტუალურია, რამდენადაც ამ პრობლემების გადაწყვეტაზე მნიშვნელოვნად არის დამოკიდებული ისტორიის წარსული, აწმყო და მომავალი“, — აღნიშნა დარეჯან თვალთვაძემ.

როგორც კონფერენციაზე აღინიშნა, პროექტის „ისტორიის კვლევის ახალი ტენდენციები 21-ე საუკუნის დასაწყისში: ძველი წინა აზიისა და ხმელთაშუაზღვისპირეთის გზაჯვარედინზე“ მიზანია, მეცნიერებმა ინოვაციურად შეძლონ გადახალისება და ერთგვარი რევიზია ისეთი დარგებისა,

„ისტორიის“ თანამედროვე გააზრება

მეოთხე გვერდიდან

როგორცაა ძველი ისტორია და კულტურა, დანერგონ ამ სფეროში ახლებური მეთოდები, რომლებსაც შემდგომ სტუდენტებს გაუზიარებენ.

პროფესორ ეკა ავალიანის ინფორმაციით, ისტორიის შესწავლის ახალი ტენდენციებისა და ჰუმანიტარული დარგების ხელახალი გააზრება სწორედ XXI საუკუნეში დაიწყო.

„ჩვენი მთავარი ფოკუსი მიმართულია ძველი მახლობელი აღმოსავლეთისა და ხმელთაშუაზღვის რეგიონზე. ის ისტორიულ-კულტურული პროცესები, რაც ამ პერიოდში მიმდინარეობს, არ არის მხოლოდ ამ ისტორიული რეგიონების და პერიოდების კუთვნილება, უნდა მოხდეს ამ პროცესების განზოგადება და კონცეპტუალური გააზრება ისტორიის ერთიან თანოლოგიურ ქარგაში, რამდენადაც ის, რაც წარსულში ხდება, მხოლოდ ერთგვარად პროცესი არ არის და მეორდება სხვა ეტაპებზეც. ამ თვალსაზრისით საინტერესოა თეორიული და მეთოდოლოგიური მიდგომების გამოუმუშავება სწორედ იმიტომ, რომ წარსულის ისტორიული და კულტურული ტრეკტორიები ხშირად მეორდება არა მარტო შუა საუკუნეებში, არამედ თანამედროვეობაშიც.“

კონფერენცია იმ თვალსაზრისითაც არის საინტერესო, რომ ჩვენ საშუალება გვძლევს მოვუსწინოთ უცხოელ კოლეგებს და შევქმნათ ისეთი ატმოსფერო, როდესაც ცოდნა გაზიარებულია. მოგვხსენებთ, იზოლაციაში მოქცეულებს გაგვიჩინებოდა დასავლური წარმატებული სკოლების გამოცდილების გაცნობა და საკუთარი ცოდნის გადაფასება. ამ კონფერენციაზე კიდევ ერთხელ მოგვცა საშუალება, გადავამოწმოთ ის არჩევანი და გზა, რასაც ვაკეთებთ უცხოელ კოლეგებთან ერთად. ბოლო დროს დასავლეთშიც გაჩნდა მოთხოვნა, რომ ისტორიული აზროვნება გადახალისდეს. გვახარებს, რომ მომავალ თაობას სურვილი აქვს ხელახლა გადახედოს და გააანალიზოს წინა თაობის მიერ განვლილი გზა, — აღნიშნა ეკა ავალიანმა.

მისი აზრით, მნიშვნელოვანია ურთიერთობები თაობათა შორის. სწორედ ამ მიზნით სესიის წაყვანა მელბურნის უნივერსიტეტის პროფესორ გორა ცეცხლაძესთან ერთად ჰუმანიტარულ მეცნიერებათა ფაკულტეტის დოქტორანტს ეკა გოგობიასაც დაევადა, რომელ-

მაც კონფერენციაზე საინტერესო ნაშრომი წარადგა: „ბრინჯაოს ხანიდან რკინის ხანამდე: დედამიწაზე გარდამავალ პერიოდში“.

როგორც სესიის მსვლელობისას მეცნიერებმა აღნიშნეს, კონფერენციის მიზანია ერთად შეკრიბოს სხვადასხვა საკითხზე მომუშავე მეცნიერები, რომლებსაც შესაძლებლობა ექნებათ, ერთმანეთს გააცნონ და გაუზიარონ სხვადასხვა თემები და პრობლემები, ამასთან, ხელი შეუწყონ ფართო სპექტრის საკითხების კვლევას. მათი აზრით, კონფერენცია იძლევა ინტერდისციპლინარული ურთიერთთანამშრომლობის საუკეთესო საშუალებას.

ეკა ავალიანის თქმით, ძველი მსოფლიოს იდეა და კონცეფცია მოითხოვს გარკვეულ მოდიფიკაციას. ზოგიერთი მეცნიერი თავად ამ ტერმინის შეცვლასაც კი აუცილებლობად მიიჩნევს. კონფერენცია „ისტორიის კვლევის ახალი ტენდენციები 21-ე საუკუნის დასაწყისში“ იკვლევს სწორედ ამ საკითხს, კერძოდ: თუ რა გავლენა მოახდინა „პოსტმოდერნიზტულმა“ პარადიგმამ წარსულის ჩვენსულ აღქმაზე და თუ რა დონეზე უნდა დავეშვათ მისი პრინციპების (მრავალფეროვნება, დინამიკა, მობილურობა, მაკრო-სოციალური პროცესები, ურბანიზმი) მუშაობა ზოგად ისტორიაში. მეცნიერების აზრით, 21-ე საუკუნის დასაწყისში „პოსტმოდერნიზტულმა“ პარადიგმამ რადიკალურად განსხვავებული ტრეკტორია აირჩია და მის მთავარ მიზანს მეცნიერული კვლევისთვის ისეთი პირობების შექმნა წარმოადგენს, რომელიც ყურადღებას ამახვილებს საზოგადოების ცხოვრებისა და აზროვნების მოქმედებასა და დინამიკაზე.

თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ასოცირებულმა პროფესორმა ქეთევან კატიტელაშვილმა და ამავე ფაკულტეტის დოქტორანტმა ირაკლი ჩხაიძემ კონფერენციაზე საკმაოდ საინტერესო თემატიკა წამოსწიეს. მოხსენების სათაურია — „პოსტსაბჭოთა საქართველო: საისტორიო კვლევის ახალი პერსპექტივები“. ამ მოხსენებაში გაშუქებულია პოსტსაბჭოთა საქართველოში საისტორიო კვლევაში მიმდინარე დინამიკა. მკვლევართა აზრით, მას შემდეგ, რაც 90-იან წლებში უარყოფილი გახდა საბჭოთა მემკვიდრეობა, მათ შორის, სამეცნიერო სფეროში, ძნელია საისტორიო კვლევაში არსებითი მეთოდოლოგიური ცვლილებების დანახვა.

დეკლარირებულად უარყოფილია ათწლეულების მანძილზე დომინირებული მარქსისტული დისკურსი, თუმცა საკვლევო თემატიკა და კვლევის მეთოდები ინარჩუნებენ ამ დისკურსისთვის დამახასიათებელ ნიშნებს. საისტორიო მეცნიერება რჩება მონოდისციპლინურ სფეროდ. ირაკლი ჩხაიძის ინფორმაციით, მოხსენებთა ყურადღება გამახვილებულია კიდევ ერთ მნიშვნელოვან პრობლემაზე, რომელიც ახასიათებს პოსტსაბჭოთა ისტორიოგრაფიას — ეს არის წარსულის კონფლიქტური ინტერპრეტაცია ერთი სახელმწიფოს ფარგლებში, ეს ტენდენცია ხელს უშლის ქვეყნის პოლიტიკურ და სამოქალაქო ინტეგრაციას.

საინტერესო გახლდათ უცხოელი და ქართველი მეცნიერებისა და ახალგაზრდა მკვლევრების მოხსენებები, მათ შორის: ჟოლტ სიმონის (უნგრეთი) — „არაიან თუ არა ქართული წარმართული ღმერთები წარმოშობით ანატოლიდან? თანამედროვე ისტორიოგრაფიული ტოპოსი ანატოლიური თვალსაზრისიდან გამოდინარე“; მაია ლამბაძის — „ცხენის აღჭურვილობის შესახებ ხეთური ტექსტების მიხედვით ძველ ანატოლიაში“; ეკა გოგობიას — „ბრინჯაოს ხანიდან რკინის ხანამდე: დედამიწაზე გარდამავალ პერიოდში“; რუმინელი

პროფესორის იულიან მოვას — „ახალგაზრდა და საღვთო სამართალი წარმართულ ურბანულ და არაურბანულ ანატოლიაში“; მაია ხარაიძის — „რომაული კულტურული გავლენა: საზოგადოებრივი შენობები კართაგენში“; ნოვოსიბირსკის უნივერსიტეტის პროფესორის ევგენი აფონასინის — „სოკრატე აგროპო: ფილოსოფოსი ურბანული პეიზაჟის ფონზე“; ლეა კიკნაძის — „ჯაპონური კონცეფციის ინტერპრეტაცია რადიკალურ ისლამურ სწავლებაში“; ნინო ჩიქოვანის — „ისტორიული რევიმი და იდენტობის დისკურსი საქართველოში“; ეკა ავალიანის — „ძველი იდეა: მინოსელი ქალღმერთი მიკენური ღმერთების წინააღმდეგ“; ვაჟა კიკნაძის — „ისტორიული პარალელები: თევდორე მღვდელი და ივანე სუსანიანი“ და სხვ.

სესიის მუშაობის დროს მეცნიერებს შორის გაიმართა აკადემიური დებატები.

ეკა ავალიანის ინფორმაციით, პროექტის სპონსორია „ლია საზოგადოების“ ინსტიტუტის უმაღლესი განათლების მხარდაჭერი პროგრამა, — რეგიონალური სემინარი უმაღლესი სწავლების სრულყოფისთვის.

მომზადდა შურთხია ბეროშვილმა



საინფორმაციო უნივერსიტეტი

რად უღირდათ უნივერსიტეტი პატრიოტ მეცნიერებს

პირველი გვერდიდან

ივანე ჯავახიშვილის სახელობის თბილისის სახელმწიფო უნივერსიტეტმა დაარსებიდან 93 წლისთავი საინტერესო გამოფენით და ფილმის პრეზენტაციით აღნიშნა.

გამოფენა — უნივერსიტეტი და ნითელი ისტორია — თბილისის სახელმწიფო უნივერსიტეტისა და შინაგან საქმეთა სამინისტროს საარქივო სამმართველოს ერთობლივი ძალისხმევით გაიხსნა. დამთავლიერებულმა პირველად იხილა გასული საუკუნის უნიკალური და უცნობი ფოტო და დოკუმენტური მასალები, რომელიც საქართველოსა და უნივერსიტეტისთვის უმძიმეს პერიოდს — გასული საუკუნის 30-იან წლებს ასახავდა. გამოფენილი იყო, ასევე, თბილისის სახელმწიფო უნივერსიტეტის რეპრეზირებული პროფესორების: შალვა ნუცუბიძის, სიმონ ყაუხჩიშვილის, გრიგოლ წერეთლის, ვუკოლ ბერიძის, გიორგი გეგტმანისა და ვახტანგ კოტეტიშვილის ნივთები.

გამოფენის ერთი ექსპონატის გაცნობაც კი საკმარისია იმის დასადასტურებლად, თუ რა პირობებში უწევდათ მუშაობა საბჭოთა პერიოდის ავადსახსენებელ წლებში ჯერ კიდევ ახლად გახსნილი თბილისის უნივერსიტეტის პროფესორ-მასწავლებლებს.

მაგალითად მოვიყვანოთ ერთ-ერთ სტენდზე გამოფენილ მასალას: ს.კ.პ. /ბ/ სახ. უნივერსიტეტის პარტკომის სხდომის ოქმი 13 (1934 წელი 21 მაისი) გვაუწყებს, რომ ამ სხდომაზე განუხილავთ პროფესორ გიორგი ახვლედიანისა და არნოლდ ჩიქობავას უნივერსიტეტში ყოფნა-არყოფნის საკითხი და დაუდგენიათ: „იმის გამო, რომ სათანადო მარქსისტულ-ლენინურ შემცველ კადრები არ მოგვეპოვა, ამიტომ დატოვებულ იქნას პროფ. გ. ახვლედიანი და ჩიქობავა სამუშაოზე და გაგრძელდეს მათზე კონტროლი და გაიშალოს ბრძოლა მათი საბოლოო განიარაღებისათვის (25-ე პუნქტი); პარტკომის აზრით, მათი უნივერსიტეტში მუშაობა მიზანშეუწონელია, მაგრამ დღესდღეობით მათი შემცველი სათანადო სპეციალისტების უყოლობის გამო შესაძლებლად იქნას ცნობილი მათი გამოყენება, მით უმეტესად, რომ თავის

დარგში დიდი სპეციალისტები არიან (29-ე პუნქტი)“.

საბჭოთა იდეოლოგიისა და მუხანათური პოლიტიკის კიდევ ერთ მაგალითად შეიძლება ჩაითვალოს ერთი პიროვნების, ბოლშევიკ მალაქია ტოროშელიძის ბიოგრაფია. ამ ადამიანს ჯერ ხელი მოაწერინეს უნივერსიტეტის დაშლაზე, შემდეგ უნივერსიტეტის რექტორად დანიშნეს, ბოლოს კი დაიჭირეს და დახვრიტეს — მხოლოდ ეს ისტორიაც კი მოწმობს იმას, თუ რა ზენოლის ქვეშ იმყოფებოდა თბილისის სახელმწიფო უნივერსიტეტი და რა ეტაპებს გაუძლო დაარსებიდან ათწლეულების განმავლობაში.

„აქ წარმოდგენილი ექსპონატები სრულად არის დაცული არქივში. ეს არის „გრიფით საიდუმლო“ და „სრულიად საიდუმლო“ საქალაქიდან ამოკრეფილი მასალების ნაწილი. უნივერსიტეტი განსაკუთრებით კონ-

გადმოცემული ისტორია თვალნათლივ გვიჩვენებს საბჭოთა დიქტატურის პოლიტიკასა და იდეოლოგიას, მის დაუნდობლობას მეცნიერთა და შემოქმედთა მიმართ, რაც დღეს შეფასებასა და გაანალიზებას საჭიროებს.

ტროლდებოდა ცენტრალური კომიტეტის იდეოლოგიური განყოფილების მიერ. განსაკუთრებით იდენებოდნენ ადამიანები, რომლებიც თავისი აზროვნებით და განათლებით გამოირჩეოდნენ და განსაზღვრავდნენ ქართულ ცნობიერებას. აქ წარმოდგენილი ბანერები სრულად ასახავს იმ ტერორს, რომელიც ქართულმა სახელმწიფოებრიობამ და ქართულმა უნივერსიტეტმა განიცადა, — განაცხადა შსს საარქივო სამმართველოს უფროსის მოადგილემ თამარ ბელქანიამ.

უნივერსიტეტის სტუმართაგან ყველა აღნიშნავდა, თბილისის სახელმწიფო უნივერსიტეტის დაარსების დღის — 8 თებერვლის მნიშვნელობას ქართველი ერისთვის.

„ეს არის დღე, რომელიც ყოველთვის უნდა აღინიშნოს არა პომპეზურად, არამედ საქმიანად, რათა სრული მთაბეჭდვით შეექმნას ახალ თაობას, როგორც იყო უნივერსიტეტის ცხოვრება. ამისთვის კი დღის სინათლეზე უნდა გამოვიდეს ყოველივე დაფარული იმის შესახებ, რაც აქამდე ხელმისაწვდომელი იყო საზოგადოებისთვის, —

განაცხადა ჩვენთან საუბარში მწერალმა და კრიტიკოსმა როსტომ ჩხეიძემ.

უნივერსიტეტის იუბილეს მიეძღვნა ასევე შინაგან საქმეთა სამინისტროს საარქივო სამმართველოს ჟურნალ „საარქივო მოამბის“ სპეციალური ნომერი და დოკუმენტური ფილმი „დატყვევებული გონი(ერ)“, რომლის პრემიერაც გამოფენის გახსნის შემდეგ გაიმართა.

ფილმი მოგვითხრობს უნივერსიტეტის ერთ-ერთი დამფუძნებლის შალვა ნუცუბიძის მიერ „ვეფხისტყაოსნის“ რუსულ ენაზე თარგმნის ისტორიას, რომელიც ასევე შსს სამინისტროს საარქივო სამმართველოს არქივი დაცული საქმეების საფუძველზე შექმნეს პროექტის ავტორმა თამარ ბელქანიამ, ჟურნალისტმა ნინო აჯიბეგიშვილმა და რედაქტორებმა ეკატერინე კაციტაძემ და ნანა გონჯილაშვილმა.

ფილმი მოგვითხრობს, თუ როგორ დააპატიმრეს შალვა ნუცუბიძე 1938 წელს და სტალინის ბრძანებით როგორ ათარგმნინეს „ვეფხისტყაოსანი“ რუსულად ციხის კედლებში.

ფილმის პრემიერის წინ საუნივერსიტეტო საზოგადოებას დავით აღმაშენებლის სენებისა და უნივერსიტეტის დაარსების დღე მიულოცა უნივერსიტეტის რექტორმა ალექსანდრე კვიციანიამ. მან აღნიშნა, რომ თბილისის სახელმწიფო უნივერსიტეტი თითქმის ერთი საუკუნეა, რაც საქართველოს თავისუფლების იდეას დარაჯობს და მისი სახელმწიფოებრიობის განმსაზღვრელად გვევლინება. „გამოფენამ, რომელიც ვნახეთ, კარგად გვაჩვენა — რა წლები გამოიარა უნივერსიტეტმა, მაგრამ გვგმა, რომელიც არსებობს უნივერსიტეტის ფეხზე დაყენებისა და ევროპული სწავლების სისტემაში ღირსეულად ჩართვისათვის, უკვე ხორციელდება. ეს მიგვიყვანს იქამდე, რომ თბილისის უნივერსიტეტი ცნობადი გახდეს არა მხოლოდ რეგიონში, არამედ, ევროპასა და მსოფლიოში.“

ჩვენ გვინდა აქ ერთმანეთს შეერწყას ძველი, ისტორიული ტრადიციები და თანამედროვეობა. ზაფხულში უკვე დასრულდება პირველი კორპუსის რემონტი, რისთვისაც, ვისარგებლებ შემთხვევით და, „ქართუ“ ჯგუფს კიდევ ერთხელ მადლობას გადავუხადო ამ ეროვნული საქმის გაკეთებისთვის. აქ მართლაც შეგვეძლება სწავლისა და სწავლებისთვის საჭირო გარემოს შექმნა. ძველსა და ახლის სინთეზი ძალიან შთამბეჭდავია და ამაში ცუდი არაფერია, — განაცხადა რექტორმა.

უნივერსიტეტს იუბილე მიულოცა საქართველოს განათლებისა და მეცნიერების მინისტრმა დიმიტრი შაშკინმა, რომელმაც აღნიშნა, რომ საქართველოს ახალ ისტორიაში არ არსებობს არც ერთი მნიშვნელოვანი მოვლენა, რომელშიც თავისი წვლილი არ შეეტანოს თბილისის სახელმწიფო უნივერსიტეტი. „ის დღესაც დიდ როლს თამაშობს ჩვენი ქვეყნის განვითარებაში და არის ერთ-ერთი მნიშვნელოვანი ინსტიტუცია საქართველოში. მინდა გისურვოთ, რომ უნივერსიტეტი მალე ჩადგეს ევროპის მნიშვნელოვან სასწავლო დაწესებულებათა რიგში. ამისთვის ბევრი რამაა გასაკეთებელი. დარწმუნებული ვარ, ყველა ერთად მივალწევთ, რომ თბილისის სახელმწიფო უნივერსიტეტი წამყვანი უმაღლესი საგანმანათლებლო დაწესებულება გახდეს არა მარტო ჩვენს ქვეყანაში, არამედ, მსოფლიოს მასშტაბით, — განაცხადა მინისტრმა.“

მილოცვებს შეუერთდა საქართველოს კულტურისა და ძეგლთა დაცვის მინისტრი ნიკოლოზ რურუაძე. „ჩემთვის დიდი პატივია ამ კედლებში სიტყვით მოგმართოთ, რადგან ეს არის ინსტიტუცია, რომელსაც დიდი ისტორია აქვს. ეს არის ადგილი, რომელიც თანამდევია ჩვენი დამოუკიდებლობის იდეისა. მადლობა ამ გამოფენისთვის, რომელიც ჩვენი ისტორიის ნაწილია და გვასწავლის, თუ როგორ სჭირდება გაფრთხილება თავისუფლებას სახელმწიფოსა და ადამიანურ ღირსეულობას, — მიმართა მან აუდიტორიას.“

ფილმის „დატყვევებული გონი(ერ)“ ჩვენებას უნივერსიტეტის პროფესორ-მასწავლებლები და სტუმრები დაესწრნენ.

გზა

მერაბ კოკოჩაშვილის „კინოს ენით“ ნათქვამი სიმართლე



„ფარული კამერით“ თუ გაჰყვები, ერთი დღეც საკმარისი იქნება გაიგო, რამდენად საინტერესო ცხოვრება აქვს, თუმცა ჯერ კიდევ დიდი დრო დასჭირდება მისი შემოქმედების შესწავლას და ამაზე, იმედია, კინორეჟისორები იზრუნებენ. მისი ბიოგრაფია — ნარმოვლობა, ცხოვრების რთული წლები და ფილმები მხოლოდ და მხოლოდ ერთიანობაში შეგვიძლია აღვიქვათ: ჯორჯაძეების და ჭავჭავაძეების შთამომავალს გარეგნობითაც გამოარჩევს — იგი შეგიძლიათ წარმოიდგინოთ ძველ, გაცრეცილ შავ-თეთრ ფოტოზე, XIX საუკუნის ჩოხოსან თავადაზნაურთა შორის, თეთრი წვერით, გადაბმული წარბების ქვეშ, შორეული, დაფიქრებული მხერით... — გარნმუნებთ, კადრიდან ნამდვილად არ „ამოვარდება“.

შურთისა ბაროშვილი

„ხმელი ნიფელი“, „მიხა“, „დიდი მწვანე ველი“, „ანუცას სკოლა“ „გზა“, „ცხელი ზაფხულის სამი დღე“ და კიდევ მრავალი ფილმების რეჟისორი მერაბ კოკოჩაშვილი, ამავე დროს, თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის კინო-ტელე-ხელოვნების მიმართულების ხელმძღვანელია. პროფესორის განსაკუთრებული სიყვარული უნივერსიტეტის მიმართ, შესაძლოა, იმითაც არის განპირობებული, რომ მისი წინაპრის დავით ჯორჯაძის სახელი დაკავშირებულია საქართველოში პირველი უნივერსიტეტის მშენებლობასთან. სწორედ დავით ჯორჯაძე იყო ის პიროვნება, რომელსაც მისადმი მადლიერების გამოხატულებისა და პატივისცემის ნიშნად დაარგვედნეს უნივერსიტეტის წინ, ჭავჭავაძის გამზირზე შეიდიდან ერთი ჯაღარი.

როგორც თსუ-ის კინო-ტელე-ხელოვნების მიმართულების პედაგოგები ამბობენ, სწორედ მერაბ კოკოჩაშვილის დამსახურებაა, რომ ყოველწლიურად იზრდება სტუდენტების ინტერესი ამ დარგის მიმართ. ცნობილი რეჟისორი გატაცებით საუბრობს სტუდენტების მიერ შექმნილ ფილმებზე, მათ ნარმატებებზე, „ადმოქონებზე“ და იმედი აქვს, რომ ქართული კინო, ახალგაზრდა რეჟისორებთან და ოპერატორებთან ერთად, კვლავაც იტყვის თავის სათქმელს, ისევე, როგორც 60-70-იანი წლების ის თაობა, რომლის ერთ-ერთი თვალსაზრისით ნარმოვლობა მერაბ კოკოჩაშვილია.

წინაპრების შარმი

როგორც თავად ამბობს, ძალიან უყვარს წინაპრების ამბების გახსენება, რასაც სიამოვნებით უზიარებს მსმენელს: „ბაბუას მონათხრობიდან ვიცი, რომ ჩვენი წინაპარი საზანოელი აზნაური ქაქუჩა (ქაიხოსრო) ქორეაშვილი ყოფილა... იგი, თუ არ ვცდები, იმერეთის მეფე სოლომონ I-ის ელჩებს გაჰყვოდა თურქეთში. ქაქუჩა გამუსულმანებულ ქართველ ქალს გამიჯნურებია, რასაც მუსულმანების მხრიდან წინააღმდეგობა მოჰყოლია. გავიდა დრო და კათოლიკე ბერების დახმარებით გადარჩენილ ქაქუჩას ის ქალი მოუქმენია, ქრისტეს რჯულზე მოუქცევია და ცოლადაც შეურთავს, კათოლიკე ბერებისადმი მადლიერების გამოხატულების ნიშნად კი კათოლიკობა მიუღია. ასე გახდნენ კოკოჩაშვილები კათოლიკები. (მე კი 12 წლის ასაკში ქაქუჩის ეკლესიაში მოვიხანათლე მართლმადიდებლად). ქაქუჩას ბევრი შვილი ჰყოლია და ძლიერი, შეძლებული ოჯახი შეუქმნია. ვაჭრობისთვის მიუყვებოდა ხელი, საქარავნებზე გზებით დადიოდნენ ამოსავლითის ქვეყნებში, ინდოეთამდეც მიუღწევიათ. ამ მრავალშვილიანი ოჯახის ერთ-ერთი შტოს შთამომავლები საქართველოში წამოსულან,

ქუთაისში დამკვიდრებულან და იქ ბევრი სასიკეთო საქმე უკეთებიათ. ქუთაისში პირველი აფთიაქი კოკოჩაშვილებისა ყოფილა, სადაც, სხვადასხვა ნამღებთან ერთად, ტკბილი წყალიც იყიდებოდა.

„თავის დროზე, 60-იან წლებში, მერაბ კოკოჩაშვილმა ფილმით „დიდი მწვანე ველი“ ქართულ კინემატოგრაფიაში რევოლუცია მოახდინა. რომანტიკოსი მერაბ კოკოჩაშვილი ცდილობს, საკუთარ სულში ჩაგვახედოს და დაგვანახოს — როგორები ვართ. იგი იმ დარღვეული ჰარმონიის აღდგენას ცდილობს, რომელსაც ჩვენში ადგილი აღარ აქვს“; „ავტორი თავის ფილმს ნააგავს, იგი შემოქმედის ერთგვარი სახეა. თუ რა თემას ჰკიდებს ხელს შემოქმედი, აქედან ჩანს მისი მოქალაქეობრივი მრწამსი და ვალი ქვეყნის წინაშე“; — ნერდენე კინორეჟისორები მერაბ კოკოჩაშვილის ფილმების შესახებ.

ბაბუაჩემი — ვასილ კოკოჩაშვილი ადვოკატი გახლდათ. დღემდე შენახული მაქვს მისი პორტსიგარი წარწერით. ეს ნივთი მას იმ კაცმა აჩუქა, რომელმაც ბაბუაჩემი ციხისგან იხსნა. ბებიაჩემი, ლუჩია ყაუხჩიშვილი-კოკოჩაშვილისა, ქუთაისში ქალთა გიმნაზიის ერთ-ერთი დამაარსებელი იყო“, — იხსენებს მერაბ კოკოჩაშვილი.

მუსიკოსების ოჯახში დაბადებული მერაბ კოკოჩაშვილი თბილისში აბაკელიას ქუჩაზე გაიზარდა. დედა — მარინე (მაკა) ჯორჯაძეალებსანდრე ჭავჭავაძის შთამომავალი იყო, მარინეს დედა — ნინო ჭავჭავაძე ცოლად გაჰყოლია ერთ-ერთ პირველ ქართველ ინჟინერს — დავით ჯორჯაძეს. მამა — არჩილ კოკოჩაშვილი მევილინი იყო. მშობლები რუსთაველის თეატრში მუშაობდნენ. 1937 წელს მამა რეჟისორ სანდრო ახმეტელთან დადრიორ ვეგენი მიქელაძესთან ერთად დააპატიმრეს, რომლის რეაბილიტაციის ცნობა 1956 წელს მიიღეს. მართალია მისი წინაპრები ექიმები, მოსამართლეები, ადვოკატები იყვნენ, მაგრამ თავად მერაბ კოკოჩაშვილმა კინორეჟისორობა აირჩია. იქნებ არც ის იყო შემთხვევითი გარემოება, რომ ფეხი ადგმევინა ცნობილმა მსახიობმა უმაწეი ჩხეიძემ, რომელიც იმ დროს მათ სახლში ცხოვრობდა. კინოს „მტკერი“ კი ექვსი წლის ასაკში „ჩაისუნთქა“, როდესაც მიხეილ ჭაიურელის ფილმში „გიორგი სააკაძე“ პაატას როლი შეასრულა.

„ხეილი ნიფელი“

პირველ საშუალო სკოლაში სწავლობდა, პარალელურად კონსერვატორიასთან არსებულ მუსიკალურ ათწლეულში ლეო შიუკაშვილის ვიოლინოს კლასში მეცადინეობდა. გატაცებული იყო ლიტერატურით, თუმცა, ბოლოს, არჩევანი კინორეჟისორობაზე შეაჩერა. 1953 წელს მერაბ კოკოჩაშვილი მოსკოვის კინემატოგრაფიის საკავშირო ინსტიტუტში ჩაირიცხა.

„იმ დროს, როდესაც ახალგაზრდები სასწავლებლად მივდიოდით, უნდა გავკეთავალისწინებინა, რომ არა მარტო ჩვენს სურვილს ჰქონდა მნიშვნელობა, არამედ

იმასაც, რამდენად მზად ვიყავით იმისთვის, რომ ასეთ რთულ პროფესიას დავუფლებოდით. როდესაც გამოცდებს ვაბარებდი, კონკურსში 800 კაცი მონაწილეობდა, საიდანაც მხოლოდ 15 გავიდა, მათ შორის მოვხვდით რამდენიმე ქართველი: ინგა ამირეჯიბი, ოთარ აბესაძე და მე. იმ პერიოდში უკვე სწავლობდნენ ელდარ შენგელაია და თამაზ მელიაია. შემდგომში შემოგვიერთდნენ ლანა ლოლობერიძე, ოთარ იოსელიანი, გიორგი შენგელაია, ზაადურ ნულაძე, საშა რეხვიაშვილი, მიშა კობახიძე და სხვები. უბედნიერესი წლები იყო... ყველანი ერთად, დიდ ოჯახად ვცხოვრობდით. ინსტიტუტში ჩაბარებამდე ჩვენი კინოთი გატაცება, გარკვეულწილად, იმანაც განაპირობა, რომ 50-იანი წლების დასაწყისში, გერმანიასთან ომის დამთავრების შემდეგ, კონტრიბუციის სახით შემოვიდა ბევრი უცხოური ფილმი... მოუთმენლად ველოდებოდით ორმახათსა და ხუთმახათს, რადგან ამ დღეებში კინოთეატრებში პრემიერებს უჩვენებდნენ. მაშინ ტელევიზია არ იყო, მხოლოდ რადიოსთვის შეგეძლო მოგესმინა, რომელიც იდეოლოგიური გადაცემებით იყო სავსე, ხანდახან მხოლოდ რამდენიმე მუსიკალურ ნაწარმოებს გვასმენინებდნენ. ჩემმა თაობამ გაიაზრა, რომ „კინოს ენით“ შეიძლება გამოხატო შენი სათქმელი“, — ამბობს რეჟისორი.

სათქმელი პირველივე საკურსო ნამუშევარში თქვა. „ხმელი ნიფელი“, რომელიც ვაჟა-ფშაველას მოთხრობის მიხედვით გადაიღო, დადებითი შეფასება მოჰყვა. ფილმმა სტუდენტებისა და ახალგაზრდების საერთაშორისო ფესტივალზე ვენაში ვერცხლის მედალი მოიპოვა. მას მოჰყვა „კარდაკარ“, „არდადეგებზე“, „მიხა“, „დიდი მწვანე ველი“ და სხვა.

„თავის დროზე, 60-იან წლებში, მერაბ კოკოჩაშვილმა ფილმით „დიდი მწვანე ველი“ ქართულ კინემატოგრაფიაში რევოლუცია მოახდინა. რომანტიკოსი მერაბ კოკოჩაშვილი ცდილობს, საკუთარ სულში ჩაგვახედოს და დაგვანახოს — როგორები ვართ. იგი იმ დარღვეული ჰარმონიის აღდგენას ცდილობს, რომელსაც ჩვენში ადგილი აღარ აქვს“; „ავტორი თავის ფილმს ნააგავს, იგი შემოქმედის ერთგვარი სახეა. თუ რა თემას ჰკიდებს ხელს შემოქმედი, აქედან ჩანს მისი მოქალაქეობრივი მრწამსი და ვალი ქვეყნის წინაშე“, — ნერდენე კინორეჟისორები მერაბ კოკოჩაშვილის ფილმების შესახებ.

მერაბ კოკოჩაშვილი: ახლა საკმაოდ რთული გამოცდა ჰქონდათ მესამეკურსელებს, რომელთაც თავიანთი ფილმები წარმოადგინეს. გაზაფხულზე ვგვა-მათ ამ ფილმების ჩვენებას კინოს სახლში ან უნივერსიტეტში.

„რეჟისორმა ისე უნდა გადმოცეს ამბავი, რომ მაყურებელმა განიცადოს — ან იცინოს, ან ცრემლი მოერიოს. ჩვენი საქმე სრულიად განსხვავებულია იმ თვალსაზრისით, რომ მაყურებელი შენი თანამოაზრე ხდება სწორედ შენი განცდის საფუძველზე. აი, ეს მინდა ვასწავლო სტუდენტებსაც“, — ამბობს მერაბ კოკოჩაშვილი.

„გიჟები“ მოდიან...

— რამდენი წელია, რაც „კინოს ენას“ ასწავლით სტუდენტებს? თქვენი აზრით, რამდენად საფუძვლიანი სწავლებაა ამ მხრივ თბილისის სახელმწიფო უნივერსიტეტში?

— უნივერსიტეტში ეს მიმართულება 25 წელია არსებობს, თუმცა, თავდაპირველად, კინო-ტელე-ხელოვნება მეორად სავსე იმ სწავლებლად. თბილისის სახელმწიფო უნივერსიტეტში ჩემი პედაგოგიური საქმიანობა 90-იან წლებში დაიწყო, როდესაც ბატონმა ბეგი ბეჟუაშვილმა მომიწვია პედაგოგად და დღემდე ახალგაზრდებთან სიამოვნებით ვმუშაობ. ამჟამად ორეტაპიანი სწავლება

მიმდინარეობს. აღსანიშნავია, რომ საწყის ეტაპზე ისწავლება რეჟისორის საფუძვლები, რომელიც მოიცავს სხვადასხვა დარგებს: (სატელევიზიო, სარეკლამო, დოკუმენტური, მხატვრული, მოკლემეტრაჟიანი ფილმები), მაგრამ სპეციალისტის ჩამოსაყალიბებლად, რათა მან მიიღოს დამდგმელი რეჟისორის, დამდგმელი ოპერატორის კვალიფიკაცია, აუცილებლად ესაჭიროება კიდევ ორი წელიწადი სწავლა მაგისტრატურაში. მიმართულებაზე სტუდენტები გადიან საკმაოდ ვრცელ კურსს, რომელიც მოიცავს ხელოვნების ისტორიას, სახვით ხელოვნებას, მუსიკალურ, კინო და თეატრალურ დრამატურგიას და სხვა დისციპლინებს. ამ ყველაფრის შესწავლას კი დიდი დრო და პრაქტიკა სჭირდება. უნივერსიტეტში ამის საშუალება არსებობს: გვაქვს ჩვენი ბაზა — სამონტაჟო ოთახი (სადაც ლექციებიც ტარდება), სამი დიდი ოთახი (სადაც მუშაობენ ოპერატორები), ვიდეო და კინო აპარატურა. მაგრამ ასეთი მწირი შესაძლებლობები ვერ აკმაყოფილებს თანამედროვე მოთხოვნებს (რადგან ის ტექნოლოგია, რომელიც დღეს კინოში გამოიყენება, ძალიან ძვირი სიამოვნებაა, რისი საშუალებაც უნივერსიტეტს, ჯერჯერობით, არ აქვს) და სასურველია მატერიალურ-ტექნიკური ბაზის აღჭურვა შესაბამისი თანამედროვე აპარატურით.

— სწავლების პროცესში სტუდენტებს შესაძლებლობა აქვთ გადაიღონ ფილმები. ამ მიმართულებით როგორ აფასებთ მათ საქმიანობას, როგორ ფიქრობთ, როგორია ქართული კინოს მომავალი?

— სტუდენტები პირველი კურსიდანვე იწყებენ ფილმზე მუშაობას. თავდაპირველად ისინი ფოტო სიუჟეტებს აკეთებენ, II კურსიდან კი ფილმზე მუშაობას სწავლობენ. ჩვენმა სტუდენტებმა გარკვეულ შედეგებს მიაღწიეს, რამდენიმე მათგანმა უკვე მიიღო კინოფესტივალებში მონაწილეობა და მნიშვნელოვანი პრემიებიც მოიპოვეს. მაგალითად: ერთ-ერთი ჩვენი სტუდენტის სოფო მიქიაშვილის ფილმმა „ეზო“ ბათუმის საერთაშორისო ქრისტიანული ფილმების ფესტივალზე მიიღო მთავარი პრიზი; რამდენიმე ფილმი გავაგზავნეთ სხვადასხვა ფესტივალზე; ახლა ჩვენი სტუდენტი გიგა ხაინდრავა ბერლინის კინო ფესტივალზე აგზავნის თავის საბაკალავრო ფილმს და იმედი გვაქვს, რომ წარმატებას მიაღწევს.

მინდა აღვნიშნო, რომ ამ მიმართულებით სისტემა ჯერ კიდევ დასახვეწია იმ თვალსაზრისით, რომ საჭიროა, უფრო მეტი დრო დავუთმოთ თითოეულ სტუდენტს. მე მათ პირველივე კურსიდან ვეუბნები, რომ მათი „ფანქარი“ უნდა იყოს კამერა. მართალია, ამის შესაძლებლობა ხშირად არ აქვთ, მაგრამ ახერხებენ საერთო კამერის შექმნას. დღევანდელ დღეს მონტაჟიც აღარ არის დიდი პრობლემა, რადგან კომპიუტერი ყველას აქვს და ამის გაკეთება სახლშიც შეუძლიათ შესაბამისი სამონტაჟო პროგრამის გამოყენებით. წინა კურსის სტუდენტებმა პაატარა სტუდენტის კი შექმნეს, რომელსაც „იდიოტები“ დაარქვეს. ერთ-ერთი „იდიო-

ტის“ ფილმი ამჟამად საერთაშორისო კინო ფესტივალზეა გაგზავნილი.

ახლა საკმაოდ რთული გამოცდა ჰქონდათ მესამეკურსელებს, რომელთაც თავიანთი ფილმები წარმოადგინეს. გაზაფხულზე ვგვა-მათ ამ ფილმების ჩვენებას კინოს სახლში ან უნივერსიტეტში.

— მომავალში თუ იგეგმება ახალი პროგრამები ამ მიმართულებაზე?

— ჩვენი მიზანია მაგისტრატურაში შევქმნათ სრულიად ახალი სპეციალობა ოპერატორ-ოპერატორი, ანუ მოვამზადებთ აპერატორებს, რომლებიც თვითონ დაწერენ სცენარს, თვითონ გადაიღებენ და თვითონვე დაამონტაჟებენ. ჯერჯერობით, რამდენადაც ჩემთვის ცნობილია, ეს სპეციალობა არ არის აპრობირებული და არც ის ვიცი, არსებობს თუ არა რომელიმე ქვეყანაში ასეთი პროექტი. ვფიქრობთ, რომ ეს ძალიან საინტერესო და საჭირო პროფესია იქნება, რადგან დღევანდელი შემოქმედი-ჟურნალისტის შრომის პრინციპი სწორედ ასეთ მიდგომას მოითხოვს.

ჩვენ გადავლახავთ „ზღვარს“...

ინტერვიუ საფრანგეთის ქართველთა სათვისტომოს პრეზიდენტთან ოთარ ზურაბიშვილთან

საფრანგეთის ქართველთა სათვისტომო — „საფრანგეთის ქართული საზოგადოების გული“ — ქართველმა პოლიტიკურმა მოღვაწეებმა 1922 წელს დააარსეს. საქართველოს პირველ დემოკრატიულ რესპუბლიკაში წითელი არმიის შემოჭრის შემდეგ ეს იყო უცხოეთში შექმნილი პირველი სათვისტომო. იმ პერიოდში დაარსებულ სათვისტომოს, რომლისთვისაც საფრანგეთი, სიმბოლურად, თავისუფლების საუკეთესო გამოხატულებასთან ასოცირდებოდა, ჰქონდა პოზიცია, რომ სწორედ საფრანგეთში გააგრძელდნენ საქართველოს დამოუკიდებლობისთვის ბრძოლას იქ ჩასული ინტელექტუალ-პოლიტიკოსთა მცირერიცხოვანი ჯგუფის წარმომადგენლები. წარმოშობით ქართველი ფრანგების მესამე თაობისგან შემდგარი ქართველთა სათვისტომო, რომელსაც დღეს ახალი ქართველი ემიგრანტებიც უერთ-

საქართველოს ინტერესების გასატარებლად (მაგალითად, 2008 წლის აგვისტოს ომის შემდეგ სათვისტომოს მიერ გამოქვეყნებული კომუნიკაციები გამოიხატა პროტესტი რუსი აგრესორის მიმართ); 3. საქართველოს პოპულარიზაცია და საზოგადოებრივი საქმიანობა (ამ მიმართულებით სათვისტომოს ინიციატივით არაერთი ღონისძიება გაიმართა: საფრანგეთის ქართველთა სათვისტომომ ქართველი მსახიობების დახმარებით გამართა კონცერტი პარიზის შუაგულში, რომელსაც 1000-ზე მეტი მაყურებელი დაესწრო. შეგროვებული თანხა გაეგზავნა ლტოლვილებს; განხორციელდა კარალეთის საბავშვო ბაღის რეაბილიტაცია; სათვისტომო რამდენიმე წლის მანძილზე იწინადა ინიციატივას — დახმარებოდა უნივერსიტეტს. აღსანიშნავია, რომ ფრანგული ლიტერატურის განხრის რამდენიმე სტუდენტის

ექვთიმე თაყაიშვილის სახელობის სტიპენდიატს ქართველთა სათვისტომოს პრეზიდენტს ნერი-ლობით რამდენიმე კითხვით მიმართა.

— საფრანგეთი, შეიძლება ითქვას, თქვენი მეორე სამშობლოა. როგორია ფრანგი ხალხის დამოკიდებულება თქვენი სათვისტომოს მიმართ, როგორ ხვდებიან ისინი თქვენს წამოწყებებს, გინევენ თუ არა დახმარებას?

— საფრანგეთში პატრიოტულ საკითხებზე მომუშავე ქართველთა სათვისტომო მთელი ქართული საზოგადოების გაერთიანების სტრუქტურად იქცა.

საქართველოს დამოუკიდებლობის ძირითადი პრინციპების დაცვისთვის საზოგადოებრივი აქტივობის ზრდა, მისი მორალური და პოლიტიკური მხარდაჭერა ფრანგებისთვის საკმაოდ გასაგებია. როდესაც ქვეყანას და მისი მოსახლეობის თავისუფლებას საფრთხე ემუქრება, ფრანგები გვერდით უდგანან აგრესორისგან ჩაგრულ ადამიანებს. როგორც ცნობილია, 2008 წელს ომის პერიოდში მათ საქართველოს მიმართ მხარდაჭერა გამოხატეს.

— როდის გაფორმდა საფრანგეთში მცხოვრებ ქართველთა სათვისტომოსა და ივანე ჯავახიშვილის სახელობის თბილისის სახელმწიფო უნივერსიტეტს შორის მემორანდუმი? რა მიზნებს ისახავს იგი? საქართველოსთან თქვენი კონტაქტი მხოლოდ ამით შემოიფარგლება?

— საფრანგეთის ქართველთა სათვისტომოსა და ივანე ჯავახიშვილის სახელობის თბილისის სახელმწიფო უნივერსიტეტს შორის გაფორმებული მემორანდუმი ეფუძნება ორივე მხარის თანამშრომლობის სურვილს. ჩვენი მიზანია, დავხმაროთ ჩვენი ქვეყნის ყველაზე უფრო დიდი იმედის მომცემ ძალებს — უნივერსიტეტის ახალგაზრდებს. დარწმუნებული ვართ, რომ ჩვენი ქვეყნის მომავალი ბევრ რამეში დამოუკიდებელი იქნება საგანმანათლებლო სტრუქტურების გაძლიერებაზე და ხელსაყრელი საუნივერსიტეტო გარემოს შექმნაზე. განათლება არის საქართველოს ერთ-ერთი უმთავრესი პრობლემა, რომელიც ყოველ მხრივ მხარდაჭერას საჭიროებს.

— როგორია თქვენი თვალთ დანახული დღევანდელი საქართველო?

— ვარდების რევოლუციიდან მოყოლებული, უკვე რამდენიმე წელია ვაკვირდებით საქართველოში მომხდარ რადიკალურ ცვლილებებს. ქვეყანა დიდი სისწრაფით, საბოლოოდ შორდება საბჭოთა მოდელს და გარდაიქმნება დემოკრატიულ და თანამედროვე საზოგადოებად. არც ერთ პოსტსაბჭოთა რესპუბლიკას არ მიუღწევია ასეთი ეფექტური ცვლილებისთვის და ეს მაშინ, როდესაც საქართველომ გადაიტანა 2008 წლის ომი და მისი ტერიტორიის ნაწილი კვლავ ოკუპირებული რჩება.

უცხოელის თვალთ დანახული საქართველო წარმოადგენს განვითარების პროცესში მყოფი ქვეყნის სამაგალითო სურათს. იგი ახერხებს ურყევი ტრადიციების შეთავსებას თანამედროვეობისთვის დამახასიათებელ აუცილებელ ცვლილებებთან.

— თუ გაქვთ კონტაქტი საფრანგეთში განათლების მისაღებად მყოფ ქართველ სტუდენტებთან? რას ფიქრობთ, ზოგადად, ქართველ ახალგაზრდებზე?

— საფრანგეთში ქართველი სტუდენტები წარმოადგენენ აქ მცხოვრები ქართული საზოგადოების შემადგენელ ნაწილს და აქტიურად მონაწილეობენ ყველა მანიფესტაციაში. ჩვენი სათვისტომოს წამყვანი კომიტეტი 7 წევრისგან შედგება, რომელთაგან 3 სტუდენტია. ნამდვილად გამაყობ მათი აქტიურობით და ჩართულობით.

დარწმუნებული ვარ (ამას ხშირად ვიმეორებ), რომ ჩვენი ქვეყნის მომავლისთვის განათლება უმნიშვნელოვანესია, რაც გულისხმობს, რომ აუცილებელია ახალგაზრდობის ხელშეწყობა, რომელიც გამოირჩევა თავისი განსაკუთრებული სიცოცხლისუნარიანობით და „ხვალისდელი დღისკენ“ სვლის დაუოკებელი სურვილით. ვამაყობ იმით, რომ ვისთანაც მიხედება ურთიერთობა, ისინი განსაკუთრებულ სიმტკიცით გამოირჩევიან.

— რა გეგმები გაქვთ სამომავლოდ?

— ეს წელი მნიშვნელოვანი წელიწადია, რადგან 90 წელი სრულდება რუსეთის მიერ საქართველოს ოკუპაციიდან, ხოლო დამოუკიდებლობის აღდგენიდან — 20 წლისთავი. აქედან გამომდინარე, ჩვენს მოვალეობად მივიჩნევთ — აღვნიშნოთ საფრანგეთში ეს ისტორიული მოვლენები და მათი საშუალებით გაავსენოთ ყველას, რომ რუსეთის მიერ დადებული ხელშეკრულების დარღვევის შედეგად ქართული ტერიტორიების ოკუპაცია გრძელდება.

— ფიქრობთ თუ არა საქართველოში დაბრუნებას და რა არის თქვენი ყველაზე დიდი ოცნება?

— მე და ჩემი მეუღლე წლის განმავლობაში რამდენჯერმე ჩამოვდივართ საქართველოში. თბილისში შექმნილი ბინის წყალობით საშუალება გვქონდა დიდხანს დავრჩეთ საქართველოში. მას შემდეგ, რაც ჩემი პროფესიული საქმიანობა ამის საშუალებას მომცემს, დიდი სურვილი მაქვს თავისუფალი დრო ერთ-ნაირად დავეთმო როგორც საფრანგეთს, ისე საქართველოს.

ჩემი ყველაზე დიდი ოცნებაა, საქართველო და ქართველი ერი შეძლებდეს ცხოვრებას თავისუფლად, მშვიდად... ჩვენ გადავლახავთ „ზღვარს“ იმ იმედით, რომ, ბოლოს და ბოლოს, საქართველოს მისამართად აღარ ისმოდას მეზობელი რუსეთისაგან არანაირი მუქარა.



დებიან, ამავე პათოსით ეხმაურება საქართველოს დეოკუპაციისთვის ბრძოლას. სათვისტომო მუშაობს სამი მიმართულებით: 1. ქართული იდენტურობის შენარჩუნება, რაც გულისხმობს სათვისტომოს წიაღში უახლესი ქართული ისტორიის (ცოცხალი მოგონებების შემონახვას: ა) ქართული რესპუბლიკის დაბადება 1918 წლის 26 მაისს, ბ) 1921 წელს საქართველოს ანექსია, გ) ქართველი ხალხის ბრძოლა ქვეყნის დამოუკიდებლობის აღსადგენად (მაგალითად: 1924 წლის შვიარალის ბრძოლა); 2. საქართველოს ინტერესების დაცვა საფრანგეთში, რაც ითვალისწინებს საფრანგეთში მცხოვრებ ქართველთა მობილიზებას

სწავლის საფასური თავად გადაიხადა; 2010 წელს თსუ-ში „ექვთიმე თაყაიშვილის სახელობის სტიპენდია“ დააარსა; სათვისტომომ სურვილი გამოთქვა მონაწილეობა მიეღო ისტორიული კახეთში არსებული მე-9 საუკუნის სამონასტრო კომპლექსის რესტავრაციისას და ა.შ.). სწორედ ამ მიმართულებით საქმიანობაზე ესაუბრა საფრანგეთში ქართველთა სათვისტომოს პრეზიდენტი, პარიზში 1950 წელს დაბადებული, პროფესიით ექიმი ოთარ ზურაბიშვილი ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის (ფრანგული ფილოლოგიის მიმართულება) მე-4 კურსის სტუდენტს, 2010 წლის 4 ოქტომბრიდან

საგავერსო უნივერსიტეტი

ლექციაზე ნეროვანის სკოლის მოსწავლეთათვის

„საბავშვო უნივერსიტეტის“ პროექტის ფარგლებში რეგიონების საჯარო სკოლებში თსუ-ის პროფესორ-მასწავლებლები სამეცნიერო-პოპულარული ლექციების გამართვას გეგმავენ. ამ სი-ახლის დანერგვით შესაძლებელი ხდება რეგიონების საჯარო სკოლების მოსწავლეთათვის იმ პო-ტენციალის გაცნობა, რაც თბილისის სახელმწიფო უნივერსიტეტშია თავმოყრილი. საინტერესო თემებზე ლექციების მოსმენა მოსწავლეთა მოზიდვასაც უწყობს ხელს იმ თვალსაზრისით, რომ ადგილზე შეთავაზებული „მომსახურება“ მათ საშუალებას აძლევს სწავლის გასაგრძელებლად უმაღლესი სასწავლებელი გააზრებულად შეარჩიონ. ხოლო თბილისის სახელმწიფო უნივერსიტე-ტის პროფესორა, რა თქმა უნდა, მათი მხრიდან თსუ-ში სწავლის გაგრძელებით დაინტერესებაზეა ორიენტირებული.

ნატო მობლაძე

28 იანვარს თსუ-ის პროფესორებმა საქართველოს ოკუპირებული ტერიტორიები-დან დევნილი მოსწავლეთათვის ნეროვანის №3 საჯარო სკოლაში წაიკითხეს ლექციები. ასე რომ, ივანე ჯავახიშვილის სახელობის თბილისის სახელმწიფო უნივერსიტეტმა იმ დევნილ ბავშვებზე, რომლებიც „საბავშვო უნივერსიტე-ტის“ ლექციებზე დასწრებას ვერ ახერხებენ, თავად იზრუნა. პროფესორ ვახტანგ ლიჩელის ლექციის თემა „ქართველები და მათი ძველი კულტურა“ გახლდათ, პროფესორმა რევაზ ლომსაძემ კი ლექცია თემაზე: „ჩვენს გარშემო ფიზიკური პროცესები — ელექტრომაგნიტური ტალღები და ბგერები“ წაიკითხა. თსუ-ის პროფესორების ლექციებს XI—XII კლასების მოსწავლეები დაესწრნენ. მათთვის, როგორც აბიტურიენტებისთვის, თბილისის სახელმწიფო უნივერსიტეტის პროფესორ-მას-წავლელთა გაცნობა და ლექციების მოსმენა მართლაც რომ საინტერესო და სასარგებლო სიახლე გახლდათ.

ბელი სტუდენტებს სრულფასოვანი განათლებ-ის მიღების საშუალებებს სთავაზობს. მიმართა, რომ მომავალში დასაქმების მეტი პერსპექტი-ვაც შექმნება. რაც შეეხება პროფესორების ვახ-ტანგ ლიჩელისა და რევაზ ლომსაძის ლექციე-ბს, მინდა გითხრათ, რომ დიდი ინტერესით მოვისმინე. ერთიან ეროვნულ გამოცდებზე მე ისტორიასაც ვაზარებ და, რა თქმა უნდა, საქართველოს უძველესი კულტურის შესახებ დამატებითი ინფორმაციის მიღება ჩემთვის მნიშვნელოვანია“, — გვითხრა ნეროვანის №3 საჯარო სკოლის XII კლასის მოსწავლემ ნატო ნათენაძემ.

„საბავშვო უნივერსიტეტის“ გასვლითი ლექციების მნიშვნელობაზე გვესაუბრა ნერო-ვანის №3 საჯარო სკოლის დირექტორი რამინ ჩიტინაძე, რომელმაც აღნიშნა: „საკმაოდ საინტერესო და კარგი პროექტია. ჩვენი აბი-ტურიენტებს საშუალება მიეცათ დაფიქრდ-ნენ — თუ რა პროფესია აირჩიონ და რომელ უმაღლეს სასწავლებელში გააგრძელონ სწავლა“.

ნეროვანის №3 საჯარო სკოლაში ლექციე-ბის დაწყების წინ ბავშვებს თსუ-ის რექტორმა ალექსანდრე კვიციანიძემ, საქართველოს განათლებისა და მეცნიერების მინისტრის მოადგილემ ნოდარ სურგულაძემ და ოკ-უპირებული ტერიტორიებიდან იძულებით



მერაბ კოკოჩაშვილის „კინოს ენით“ ნათქვამი სიმართლე

მეექვსე გვერდიდან

რამდენად პერსპექტიულია დღეს კინორეჟისორის პროფესია?

როდესაც პირველად ჩავედი მოსკოვში, ჩვენმა უდიდესმა რეჟისორმა მიხეილ ჭიაურელმა მითხრა: შენ გიჟი ხომ არა ხარ, საბჭოთა კავშირში სულ 20 კაცი ვიღებთ კინოს და შენ რა უნდა გადაილო.

მიუხედავად ამისა, 1960 წლისთვის უკვე ყველა ჩვენგანმა, ვინც „გიჟი“ იყო, შეძლო და დაიწყო მუშაობა ამ სფეროში და, მოგეხსენებათ, 60-იანი წლების კინომ რა წარმატებებს მიაღწია. მინდა გითხრა, ესენიც „გიჟები“ არიან. შესაძლოა, მათგან ერთი ან ორი გაყვეს ამ პროფესიას და წარმატებას მიაღწიოს. უნდა ითქვას, რომ ახალგაზრდა რეჟისორების მიდგომა რთული, თანამედროვე პრობლემების მიმართ, ხშირ შემთხვევაში, ზედაპირულია. ზოგჯერ მათ მიერ გადაღებულ ფილმებს შვილთან და შვილიშვილთან ერთად ვერც ვუყურებ, მრცხ-

ვენია... მაგრამ მჯერა, რომ გარდამავალი ეტაპი გაივლის და აუცილებლად მოხდება ქართული კინოს რეაბილიტაცია. ამასთან, საჭიროა ხელისუფლებამ პრიორიტეტად აქციოს განათლება და კულტურა, რომელიც ცივილიზებული ქვეყნის საფუძველია. მთავარია, ბრბოდ არ იქცეს საზოგადოება, რომელსაც მხოლოდ იაფფასიანი სიუჟეტებით გავართობთ.


კინოს სჭირდება პროპაგანდა. ყოველთვის მერიტული რეკლამა გამეკეთებინა ჩემი ნამუშევრებისთვის. ჩემი ბოლო ფილმი „სახლი სიხარულისა“ მხოლოდ რამდენჯერმე უჩვენეს ტელევიზიით. ზოგიერთს დანებებული არა აქვს გადაღება და უკვე რეკლამას აკეთებს — აი, რა გენიალური ჩანაფიქრი მაქვსო. ჩვენ სხვა სისტემაში ვართ აღზრდილები და რაღაცები გვეთაკილება, რამაც, შეიძლება, მთელი შრომა წყალშიც ჩაგყაროს... მჯერა, რომ ახალგაზრდები გამოიხატენ სხვა გზებს. ახლაც იღებენ კარგ ფილმებს. მთავარია, მათ მსოფლიო

კინოსისტემაში შეაღწიონ. უნდა მოხდეს საერთაშორისო ინტეგრაცია დისტრიბუციის თვალსაზრისითაც.

თქვენმა სცენარმა კინოცენტრის მიერ გამოცხადებულ კონკურსში გაიმარჯვა. რაზე ფილმი და როდის დასრულდება მასზე მუშაობა?

ამჟამად ვიღებ ახალ ფილმს „ღვინის აკვანი“, რომელიც, სავარაუდოდ, ივნისისთვის დამთავრდება. მინდოდა, ფილმში მეჩვენებინა ჩვენი ისტორია, რომელიც მჭიდროდა დაკავშირებული ღვინოსთან. ღვინო და ქართული კულტურა, ღვინო და ქართული რელიგია, სიმღერა, ცეკვა, მეცნიერება, თამაში, შრომა, ცოდნა — ეს ყველაფერი განუყოფელია ერთმანეთისგან.

ხელოვანისთვის მთავარია სიმართლე, რომელიც სჭირდება საზოგადოებას. ჯერ კიდევ ჰაიდგერმა თქვა: „ხელოვნება არის ჭეშმარიტების მიერ თავისი თავის დადგინება ქმნილებაში“. ამიტომ ვარ ოპტიმისტი.



ამჯერად, ვახტანგ გორგასლის ნაკვალევი...

შურთსია ბაროშვილი

თსუ-ის ჰუმანიტარულ მეცნიერებათა ფაკულტეტის კინო-ტელე-ხელოვნების მიმართულების პედაგოგმა, რეჟისორმა ნინო გელოვანმა და ამავე მიმართულების სტუდენტებმა, რომლებიც გადასაღები კამერით ხშირად „მისდევნენ“ წმინდანთა ნაკვალევს, სახელოვან მეომრად ცნობილ და „მეფეებში მარგალიტით გამოჩენულ“, ლეგენდარულ და წმინდანად შერაცხულ მეფე ვახტანგ გორგასალზე ფილმის გადაღება გადაწყვიტეს, რაც პროექტის — „წმინდანთა ცხოვრება თქვენს თვალწინ ცოცხლდება“ — ფარგლებში განახორციელეს კიდევ. ამ პროექტის მიზანი წმინდანად შერაცხული ქართველი მეფე-დედოფლების ცხოვრებისა და მოღვაწეობის ასახვა გახლავთ.

იგი დადევნებია გამტაცებლებს, გუდამაყრის ხეობით გადმოსულა და ჩვენს მშობლიურ სოფელ სნოსთან შეჩერებულია. სნო ჩვენი წინაპარი იყო. მას ჰყავდა ჩვილი ვაჟი — ლუდუშა. ჩვენში არსებობს გადმოცემა, რომ ვახტანგ გორგასალი სნოს ვაჟის, პატარა ლუდუშას ნათლია გამხდარა. შემდეგ აქედან წარმოიშვა გვარი ლუდუშაური. შეიძლება ამ გადმოცემასაც უკავშირდებოდეს ამ სოფელში ვახტანგ გორგასლის ძეგლის გახსნა. ძეგლის გახსნის ცერემონიაზე საქართველოს პატრიარქმა ილია მეორემ აღნიშნა: „მეფე ვახტანგ გორგასალი საუკეთესო მაგალითია ნებისმიერი ქართველისთვის თავისი ცხოვრებითა და მოღვაწეობით, იგი გამოირჩევა დიდი რწმენით, სასოებითა და სიყვარულით. ჩვენ ვადიდებთ მას და შევთხოვთ, რომ მისი ლოცვა-ვედრებით, მისი შუამდგომლობით ღმერთმა გააძლიეროს და დალოცოს, დაამშვიდოს და გააერთიანოს სრულიად საქართველო“.

ქისორის ასისტენტმა თამთა იოზაიამ მუშაობის პროცესში საკმაოდ მდიდარ მასალას მოუყარეს თავი. პროექტის ავტორებმა კი ნინო გელოვანმა, უჩა ჯღამაძემ, გიორგი ლიქოკელმა და ბექა ახლოურმა „ქართლის ცხოვრების“ ქრონიკების შესწავლის გარდა კონსულტაციისთვის თსუ-ის პროფესორებს: თეიმურაზ პაპასქირს, თედო დუნდუას, კულტუროლოგ გია პაპუაშვილსაც მიმართეს. პირველ რიგში კი სასულიერო პირებს სთხოვეს დახმარება.

ჩვენი მიზანი იყო აქცენტი გაგვეკეთებინა ვახტანგ მეფის სულიერ ცხოვრებაზე, მაყურებელამდე მიგვეტანა აზრი, თუ რატომ იყო იგი წმინდანი. მნიშვნელოვანია ის ფაქტი, რომ სწორედ მისი მეფობის დროს მოიპოვა საქართველოს ეკლესიამ ავტოკეფალია; მისი მეფობის პერიოდში დაარსდა თბილისი ქალაქი, მათ შორის თბილისი, უჯარმა, არტანუჯი, ხორნაბუჯი; აშენდა წმინდინდის, ჩელეთის, ხორნაბუჯის, ნიქოზის ტაძრები; განახლდა სვეტიცხოველი, სადაც წმინდა ნინოსა და მირიან მეფის დროინდელი ხის ეკლესიის ადგილზე ქვის ბაზილიკური ტაძარი ააგეს. რაც მთავარია, მეფემ დაგვიტოვა ანდერძი: „სიკვდილამდე ღვთის ერთგულება“, რომელიც პირველმა მან აღასრულა. რა თქმა უნდა, ათნუთიან ფილმში ამის სრულად გადმოცემა არც ისე ადვილია, მაგრამ შეეცადეთ, მთავარ მოვლენებზე გავემახვილებინა ყურადღება“, — გვითხრა ქეთი ქებაძემ.

ფილმის ოპერატორია ჰუმანიტარულ მეცნიერებათა ფაკულტეტის IV კურსის სტუდენტი ერეკლე მუმლაძე, რომელმაც ფორზე ასახა ისტორიული ადგილები, მათ შორის, სნოში აგებული ვახტანგ გორგასლის სახელობის ტაძარი და თბილისში სიონის ტაძარი. უცნობი მხატვარი კი, რომელიც რუსთაველზე ვახტანგ გორგასალს გატაცებით ხატავდა, ოპერატორმა ბესო ბახტურიძემ გადაიღო.

ფილმზე მუშაობის პროცესში უცნაურობებიც ხდებოდა: ხშირად ვხვდებოდი ისეთ ადგილებში, სადაც საუბარი ვახტანგ გორგასალს შეეხებოდა და მის შესახებ ახალ ინფორმაციას უნებურად ვიგებდი. შეიძლება ითქვას, რომ წმინდა მეფის შემწეობას ყველა ჩვენგანი გრძნობდა, — ამბობს ნინო გელოვანი. აღსანიშნავია, რომ 4 იანვარს, უწმიდესის და უნეტარესის, სრულიად საქართველოს კათოლიკოს პატრიარქის დაბადების დღეს რეჟისორს საშუალება მიეცა მისთვის საჩუქრად გადაეცა დისკი, რომელზეც ფილმი და სარეკლამო რგოლები (მოქვის სახარებისა და ბრეთის) იყო ჩაწერილი.

უნდა ითქვას, რომ თსუ-ის ჰუმანიტარულ მეცნიერებათა ფაკულტეტის კინო-ტელე-ხელოვნების მიმართულების სტუდენტების შემოქმედებითი გეგმების განხორციელება თსუ-ის სტუდენტური თვითმმართველობის დახმარებით გახდა შესაძლებელი. ფილმის რეჟისორი თანადგომისთვის დიდ მადლობას უცხადებს ფაკულტეტის დეკანს დარეჯან თვალთვალს და მიმართულების ხელმძღვანელს მერაბ კოკოჩაშვილს.

თბილისის სახელმწიფო უნივერსიტეტში ფილმის — „ღვთის ერთგულება“ პრემიერა 2011 წლის მარტისთვის არის დაგეგმილი. რაც შეეხება სამომავლო გეგმებს, უახლოეს პერიოდში რეჟისორი ნინო გელოვანი თსუ-ის კულტურისა და სპორტის დეპარტამენტთან ერთად კლიბის გადაღებას გეგმავს. „სწავლა და შენი საინტერესო არჩევანი“ — ასეთი იქნება კლიბის სლოგანი, რომელიც სტუდენტების შემოქმედებითი საქმიანობა ასახავს. ერთი რამ ნათელია, თსუ-ის ჰუმანიტარულ მეცნიერებათა ფაკულტეტის კინო-ტელე-ხელოვნების მიმართულების სტუდენტებისგან თანატოლები კიდევ მრავალი საინტერესო პროექტებისა და იდეების განხორციელებას ელიან მით უფრო, რომ ასპარეზი მათ ხელთაა...



პროექტზე მუშაობა ჯერ კიდევ 2010 წელს დაიგეგმა, რომელიც 2011 წელს განხორციელდება. ჩვენი მიზანია წმინდანად შერაცხული მეფეების ცხოვრებაზე გადავიღოთ ფილმების სერია, რაც მნიშვნელოვანი იქნება ახალგაზრდების შემეცნებითი ზრდის თვალსაზრისით. სწორედ ამ პროექტზე მუშაობისას დაიბადა იდეა — პირველი ფილმი ვახტანგ გორგასალზე გადაგვეღო. სცენარზე მუშაობის დროს აღმოჩნდა, რომ ბევრმა მათგანმა არც იცოდა, რომ იგი წმინდანად შერაცხეს, — გვითხრა ნინო გელოვანმა. მისი თქმით, ფილმზე — „ღვთის ერთგულება“ მუშაობა უკვე დაწყებული იყო, როდესაც გადავხედე ჯგუფმა შეიტყო, რომ საქართველოს კათოლიკოს-პატრიარქის მშობლიურ სოფელ სნოში ვახტანგ გორგასლის ძეგლის გახსნა თავად უწმიდესი და უნეტარესი ილია მეორეს ინიციატივა გახლდათ და მის გახსნას თავადაც ესწრებოდა. ამ ცერემონიაზე დასასწრებად გადავხედე ჯგუფმა პირადად უწმიდესისგან და ჭყონდიდის მიტროპოლიტ პეტრესგან (ცაავა) კურთხევა მიიღო, რის შედეგადაც სნოში გადაღებული მასალით ფილმი გადმოდინდა.

ფილმის რეჟისორის ნინო გელოვანის თქმით, ფილმში საუბარია ვახტანგ გორგასალის სარწმუნოებრივ ცხოვრებაზე. „იგი გამორჩეული მეფე იყო და საოცარი ანდერძიც დაგვიტოვა: „ეძიებდეთ ქრისტესთვის სიკვდილსა!“ ვახტანგ გორგასალი ქრისტესთვის ცხოვრობდა და გზად მიმავალი ჯვრებს აღმართავდა, სამლოცველოებსა და ეკლესიებს აგებდა. მან საკუთარი გულიც ღვთის ტაძრად აქცია. თითქმის ყოველ დღე სიკვდილს უყურებდა თვალში, მაგრამ ყოველთვის უფლის ერთგულად რჩებოდა. სიკვდილამდე ღვთის ერთგულება და თავგანწირვა აძლევდა მას გოლიათურ ძალას“, — ამბობს ფილმის გამირზე რეჟისორი.

სცენარის ავტორებმა, ჰუმანიტარულ მეცნიერებათა ფაკულტეტის კინო-ტელე-ხელოვნების მიმართულების სტუდენტებმა ქეთი ქებაძემ, მედეა გაგუამ და ფილმის რე-

ძეგლი რამდენიმე წლის წინ აგებული ვახტანგ გორგასლის სახელობის ტაძრის მახლობლადაა აღმართული. ისტორიული გადმოცემის მიხედვით, სწორედ ამ ადგილებში შეისვენა ოსეთიდან მომავალმა ქართლის მეფემ. ამ ამბავს ასე იხსენებს ილია მეორე: „იმ დროს, როცა ვახტანგ გორგასალი საქართველოში არ იმყოფებოდა, ოსებმა მას და მოსტაცეს...“

მთავარი რედაქტორი	ნინო კაკულია	რედაქციის მმართველი:	მისამართი:
მთავარი სამცხალისტი	მაია ტორაძე	რისმაც გორდენიანი, ნოდარ ბელქანი, იაკო კაჭკაჭიშვილი, ლადო მინაშვილი, ნინო ჩიხლაძე, თემურ ნადარეიშვილი, ნოდარ ხადური, მარინე ჩიტაშვილი, ვაჟა კიკნაძე, დიანა ძიძიგური, ნანა ჭილაძე, თეა ჯუღელი	ილია ჭავჭავაძის გამზ. 11* (თსუ-ის მე-3 კორპუსი)
ტექნიკური რედაქტორი	მანანა ჯურხაძე		
ფოტოკომპიუტერული	ლიკა პეტრიაშვილი		
კომპიუტ. უზრუნველყოფა	გიორგი ნიქარიშვილი		